

ভূমিকা।

মহাত্মা শ্রীমাচরণ সরকার-বিদ্যাভূষণ মহাশয়, আমারদিগের কুটুম্ব ও পূর্ব-পরিচিত আত্মীয় হইলেও তাঁহার সহিত দীর্ঘ-কাল একত্রে অবস্থান করিবার কখন সুযোগ সংঘটিত হয় নাই। ১৭৯৭ শকের পৌষ মাসে আমার মধ্যম-পুত্রের, সঙ্কট পীড়ার চিকিৎসা-জন্য তাঁহার কলিকাতা তালতলার বাটীর নিকটস্থ একটি ভবনে প্রায় ৩৪ মাস কাল আমাকে সপরিবারে অবস্থান করিতে হইয়াছিল। তদুপলক্ষে আমি সর্বদাই তাঁহার নিকটে যাইতাম এবং তিনিও অল্পগ্রহ করিয়া সময়ে সময়ে প্রবাস-নিকেতনে আসিয়া উপদেশ ও সাস্তুনা-বাক্য দ্বারা আমার-দিগের উদ্বেগ ও উৎকর্ষা বিদূরিত করিতেন।

তৎকালে তালতলার প্রায় সমুদায় কৃতবিদ্য লোকেরই মুখে তাঁহার গুণ-গ্রামের পরিচয় ও প্রাচীন পক্ষীয় জনগণের সন্নিধানে তাঁহার পূর্ব-জীবনের বিস্ময়কর কাহিনী শ্রবণ করিয়া চমৎকৃত হইতাম এবং স্বচক্ষে তাঁহার কন্দ-শ্রমের—শাস্ত্র-দর্শনের ও ঈশ্বর-প্রীতি এবং প্রিয়-কার্য সাধনের পদ্ধতি সন্দর্শন ও সরল স্খাভাবিক গুণ রাজীর প্রত্যক্ষ নিদর্শন অবলোকন করিয়া সেই হৃৎতানু-দুষ্টিভার সময়েও বিশেষ আনন্দ লাভ হইত।

আমার অবলম্বিত বিষয়-কার্য ও রোগীর সেবা-শুশ্রূষাদি করিয়া যে সময় থাকিত, কি রূপে তাহা অতিবাহিত হইবে, তাহা চিন্তা করিয়া, প্রাণ্ডুক্ত মহাত্মার ও উৎসাহ ও শিক্ষা-প্রদ জীবন-চরিত লিখিতেই আমার ইচ্ছা হইল। সেই সাধু ইচ্ছাটি কার্যে পরিণত করিবার জন্য নানা সূত্রে তাঁহার জীবনের ঘটনা সকল সংগ্রহ ও

লিপি-বদ্ধ করিতে প্রবৃত্ত হইলাম। শ্যামাচরণ বাবুর নিকটে যখন যাইতাম, তখন কথোপকথন-চ্ছলে সেই সকল সংগৃহীত তথ্যের যথার্থ্য সপ্রমাণ করিয়া লইবার চেষ্টা পাইতাম। ক্রমে শ্যামাচরণ বাবু আমার অভিসন্ধি জানিতে পারিয়া, আমার বিশেষ অল্পরোধ ও আকিঞ্চনে তাঁহার জীবনী-সংক্রান্ত আমার পরিজ্ঞাত-বিষয় সকলের ভ্রম-প্রমাদাদি সংশোধন করিয়া দিতেন।

শ্যামাচরণ বাবুর খুল্লতাত কৃষ্ণনগর নিবাসী পরলোকগত হর-চন্দ্র সরকার মহাশয়, বাঁহার আলয়ে তিনি বাল্য-জীবনে পালিত ও পোষিত এবং বাঁহার যত্নে তিনি শ্রীনাথ লাহিড়ি মহাশয়ের নিকট পারস্য-ভাষায় শিক্ষিত হয়েন; তাঁহার পুত্র শ্রীযুক্ত বাবু হরিমোহন সরকার মহাশয় বাল্য-কাল হইতে তাঁহার দ্বারা পালিত ও শিক্ষিত হইয়া তাঁহারই তালতলায় আলয়ে অবস্থান করিয়া হাই-কোর্টে বিষয়-কার্য্য করিয়া থাকেন, আমি তাঁহার সন্নিধানেও অনেক তথ্য পাইয়াছি। পরে সমুদয় বিষয় সংগ্রহ করিয়া, জীবন-চরিত্ত থানি লিখিয়া, শ্যামা-চরণ বাবুকে সংশোধন জন্ত অর্পণ কবি; তিনি দেখিয়া দিলে, আমি পুস্তকাকারে মুদ্রিত করিবার নিমিত্ত বিশেষ চেষ্টা পাইয়াছিলাম। তাহাতে তিনি আমাকে বিশেষ অল্পরোধ-সহকারে বলেন, যে “অপরূপা কিংভবিষ্যতি—আমার ভবিষ্যৎ-জীবনে কি ঘটে তাহা জানি না; অতএব এখন ইহা প্রকাশ করা থাকুক।” আমি তাঁহার আদেশ-ক্রমেই বাঙ্কিত-বিষয় হইতে নিবৃত্ত ছিলাম।

পরে ১৮৭৯ খৃষ্টাব্দের ১১ ডিসেম্বর দিবসীয় স্প্রসিদ্ধ “ইণ্ডিয়ান মিরর” সংবাদ-পত্রে তাঁহার সংক্ষিপ্ত-জীবনী প্রকাশিত হয়। একদিন তিনিই আমাকে সেই পত্রিকা-থানি তাঁহার তালতলায় বাটীতে পাঠ-করিতে দিয়াছিলেন।

আমি শ্যামাচরণ বাবুর আদেশক্রমে এতদিন পূর্বে লিখিত জীবন-চরিত্ত মুদ্রিত করি নাই; এখন তাহাতে তাঁহার শেষ-জীবনের ঘটনা

সকল সংযোজিত করিয়া এবং অপরিজ্ঞাত তত্ত্ব সকল অবগত হইয়া, তাহাতে সন্নিবেশ-পূর্বক এই ক্ষুদ্র পুস্তকখানি মুদ্রিত করিলাম। এতৎ পার্শ্বে যদি এক ব্যক্তিরও শ্যামাচরণ বাবুর স্থায় স্বচেষ্ঠা ও স্বাবলম্বন-অনুরাগ উদ্দীপ্ত হয় এবং তাঁহার অসামান্য গুণ-রাশির ও মহত্ব-সাধন-উপযোগী বিদ্যা-বুদ্ধি জ্ঞান-ধর্ম-সমূহের অনুকরণ করিতে প্রবৃত্তি জন্মে, তাহা হইলে আমি আমার সকল যত্ন-চেষ্ঠা সার্থক জ্ঞান করিব।

সংক্ষেপ-কাল মধ্যে এই ক্ষুদ্র পুস্তক খানি প্রকাশ করায় যদি ইচ্ছাতে কোন অবশ্যাস্তাবী ভ্রম-প্রমাদ দৃষ্ট হয় অথবা শ্যামাচরণ বাবুর জীবনী-সংক্রান্ত কোন বিশেষ-জ্ঞাতবা বিষয় প্রকাশিত হইতে অবশিষ্ট থাকে, তাহা হইলে পার্থক্য-মহাশয়গণ অনুগ্রহ পূর্বক আমাকে অবগত করিলে কৃতজ্ঞতার সহিত বারান্তরে তাহা সংশোধিত ও সন্নিবেশিত করিতে যত্নবান্ হইব।

বেহালা

২৬ আশ্বিন

১৮০৪ শক।

}

শ্রী বেচারাম চট্টোপাধ্যায়।

মহাত্মা শ্যামাচরণ সরকারের জীবন-চরিত্র ।

প্রথম অধ্যায় ।

শ্যামাচরণ বাবুর পিতৃ-পিতামহের

সংক্ষিপ্ত বিবরণ ।

অসম্ভবদেয়মধ্যে যে সকল অসামান্য বিদ্যা-বুদ্ধি-সম্পন্ন কুলপাবন সৎপুত্র জন্মগ্রহণ করিয়া ভারত-জননীর মুখোজ্জ্বল করিয়াছেন, মহাত্মা শ্যামাচরণ সরকার মহাশয় তন্মধ্যে একজন অগ্রগণ্য । ভারত-সম্প্রদায়ের মধ্যে অনেকেই যেমন জ্ঞান-জ্যোতির্বিহীন দীন-হুঃখী-বংশে জন্মগ্রহণ করিয়া আপনাপন বিদ্যা-বুদ্ধি, ধন-সম্পদ-বলে নিজ বংশের উৎকর্ষ সাধন করিয়া গিয়াছেন, উল্লিখিত মহাপুরুষ তেমনি নানা-শাস্ত্র-বিশারদ সম্ভ্রান্ত ব্রাহ্মণ-কুলে—পিতার স্মৃতি-সৌভাগ্য সময়ে জন্ম পরিগ্রহ করিয়াও হুর্ভিসহ হুঃখ-দরিদ্রতা, বাধা-বিঘ্ন অতিক্রম পূর্বক অসাধারণ বিদ্যা-বুদ্ধি জ্ঞান-ধর্ম প্রভাবে স্বীয় বংশ-মর্যাদা রক্ষা করত লোক সাধারণের শ্রদ্ধা ভক্তি আকর্ষণ করিয়াছিলেন ।

বাহারী শ্যামাচরণ বাবুর পূর্বপুরুষগণের বিশেষ বৃত্তান্ত অবগত নহেন, তাঁহার কেবল তাঁহার উপাধি-মাত্র শ্রবণ করিয়া হয় তো তাঁহাকে কোন শূদ্র-বংশ-উদ্ভব বলিয়া মনে করিতে পারেন । কিন্তু বাস্তবিক তাহা নহে ।

তিনি যে বংশে জন্মগ্রহণ করিয়াছিলেন, সেই বংশ বিদ্যা-বুদ্ধি, জ্ঞান-ধর্ম-সাধন জন্য পুরাকাল হইতে অতীব প্রসিদ্ধ । তাঁহার পূর্ব

পুরুষগণ ধর্ম-শাস্ত্র ব্যবসা, এবং রাজ-সেবা নিবন্ধন বিপুল যশো-
কীর্তি লাভ করিয়া আসিয়াছেন। ব্রাহ্মণশুলের মধ্যে তাঁহারা অতি
গণনীয় (সিমলাই) শুদ্ধশ্রোত্রিয়। ইহাঁরই পূর্বপুরুষ অবিলম্বন
সরস্বতী শাস্ত্র-জ্ঞান ও ধর্ম-সাধন জন্য অদ্যাপি অনেকেরই স্মরণীয়
হইয়া আছেন। অবিলম্বন সরস্বতী মহাশয়ের তিনটা পুত্র, কবি
ভিন্‌ডিম সরস্বতী, কেশব ভারতী এবং ছত্র ভারতী নামে বিখ্যাত।

মুসলমানদিগের রাজ্য-কালে মুরশিদাবাদেই ইহাঁরদের বাসস্থান
ছিল। এইরূপ জনশ্রুতি যে কৃষ্ণনগরের জনৈক গুণগ্রাহী রাজ-
কুমার কর্ম-সূত্রে মুরশিদাবাদে গমন করত ইহাঁরদের জ্ঞান-ধর্ম্মাভি-
রাগিতার পরিচয় প্রাপ্ত হন এবং স্বীয় বাজধানী নবদ্বীপের গৌরব-
বর্দ্ধনার্থ তাঁহারদিগকে আনয়ন করত স্বীয় অধিকার মধ্যে বসবাস
করান।

প্রাপ্তক অবিলম্বন সরস্বতী মহাশয়ের মধ্যম পুত্র কেশব ভারতী,
মহারাজ কৃষ্ণচন্দ্র রায়ের সভা মধ্যে একজন গণনীয় পণ্ডিত ছিলেন।
তাঁহার খ্যাতি প্রতিপত্তি ও ধর্ম্মাভিষ্ঠান-সৌরভ কালক্রমে চতুর্দিকে
পরিব্যাপ্ত হইলে, ধর্ম্ম-পিপাসু গৌরাজ দেব আগ্রহ সহকারে তাঁহার
নিকটে লীক্ষিত হন এবং নানাবিধ ধর্ম্ম উপদেশ প্রাপ্ত হইয়া
আপনাকে কৃতার্থমন্ত জ্ঞান করেন। তদবধি গৌরাজ-গুরু বলিয়া
‘এই বংশ সাধারণের শ্রদ্ধা ও ভক্তিভাজন হইয়া রহিয়াছেন।

কাল-ক্রমে উল্লিখিত মহাপুরুষগণ লোকান্তরিত হইলে, রাজ-
বংশের নিকট তাঁহারদের পুত্র পৌত্রাদিও সর্বিশেষ শ্রদ্ধা ও বিখা-
সের পাত্র হইয়া বহুবিধ বৈষয়িক কার্যে নিযুক্ত থাকিয়া নবদ্বীপেই
কয়েক পুরুষ অবস্থান করেন। পরে শ্রামাচরণ বাধুর বৃদ্ধ-প্রপিতা-
মহ রমাকান্ত সরকার মহাশয়ের প্রতি রাজবংশীয় কেমন ব্যক্তির
জ্ঞান-সঞ্চার হওয়াতে তাঁহার “ঘর বার জন্ম” করিবেন এই সংবাদ
লোক-মুখে তিনি শুনিতে পাইলেন। পরে উপায়ান্তর না দেখিয়া

অপমান-ভয়ে চুর্ণী-নদী-কূলে মামজাউন গ্রামে আশ্রয় বসতি করেন। তাঁহার তথায় রামরাম, ও দয়্যারাম নামক দুইটি পুত্র হয়। রামরাম, শ্রামাচরণ বাবুর প্রপিতামহ। ইহঁার পুত্র রঘুনাথ, ইনি শ্রামাচরণ বাবুর পিতামহ। রঘুনাথ বয়োবৃদ্ধি সহকারে বিদ্যা-বুদ্ধি যোগ্যতা লাভ করিলে রাজসরকারেই বিষয়-কার্য্য প্রাপ্ত হইয়া সসজ্জমে কাল-যাপন করেন। তাঁহার পুত্র হরনারায়ণ সরকার, ইনি শ্রামাচরণ বাবুর পিতা। শাস্ত্রব্যবসা জন্ত যেমন ইহঁারদের পূর্বপুরুষগণ স্থানে স্থানে সরস্বতী, তারতী, ভট্টাচার্য্য নামে বিখ্যাত আছেন; তেমনি নবাব-সরকারে রাজ-পরিবারে বিষয়-কার্য্য করাতে সরকার প্রভৃতি তৎকালীয় সুদৃম-জনক উপাধি প্রাপ্ত হইয়া নানা স্থানে অবস্থিতি করিতেছেন।

শ্রামাচরণ বাবুর পিতা, হরনারায়ণ সরকার মহাশয় নানা স্থানে নানা রূপ বিষয়-কার্য্য করিয়াছিলেন। তন্মধ্যে জেলা পূর্ণিয়ার রাণী ইন্দ্ৰাবতীর দেওয়ান হইয়াই বহুদিন সসজ্জমে কালক্ষেপ করেন।

হরনারায়ণ সরকার মহাশয় অতীব দয়ালু ও আতিথ্য-ধর্ম্ম-পরায়ণ ছিলেন। উপস্থিত বিষয়-কর্ম্মে যেমন তাঁহার পদ-বুদ্ধি ও অধিকতর অর্থাগম হইল, তাহার সঙ্গে সঙ্গেই তাঁহার দান-ক্রিয়া বর্দ্ধিত হইতে লাগিল। পূর্ণিয়ায় তিনি যেরূপ নিষার্থ ও নিকাম-ভাবে অতিথি-সেবা প্রভৃতি সাম্বিকী ক্রিয়ার অহুষ্ঠান করিয়া, ছিলেন, তাহা শ্রবণ করিলে বিস্মিত ও চমৎকৃত হইতে হয়। তিনি অতিথি-অভ্যাগতদিগের কষ্ট ক্রেশ দেখিলে নিতান্ত কাতর হইয়া সাধ্যের অতিরিক্ত দান করত তাহা বিমোচন করিতে যত্ববান হইতেন। প্রতিদিন অতিথি সেবাদি অশৃঙ্খল রূপে অসম্পন্ন হইতেছে কি না, তাহা স্বচক্ষে সন্দর্শন করিতেন। তাঁহার এই প্রাণগত কার্য্য-ভার কর্ম্মচারিদিগের হস্তে অর্পণ করত নিশ্চিন্ত থাকিতে পারিতেন না।

এক সময়ে তিনি বহু পরিমাণ অপহৃত অহিফেণ ধৃত করিয়া দেওয়াতে ইংরাজ-রাজপুরুষগণ সন্নিধানে দশ সহস্র মুদ্রা পুরস্কার প্রাপ্ত হন। চার্লস রিড্ নামক পূর্ণিয়াস্থ জনৈক সম্ভ্রান্ত সম্পদ-শালী ভূম্যধিকারী তাঁহাকে অতিশয় স্নেহ করিতেন। তিনি হরনারায়ণ বাবুকে বলিলেন যে, দেখ, তুমি অতিশয় অপরিমিতব্যয়ী, তোমার এমন কোন সম্পত্তি নাই যে, বিষয়-কৰ্ম্ম না থাকিলে একটা দিনও স্বচ্ছন্দে অতিবাহিত হইতে পারে ; অতএব আমার ইচ্ছা এই যে, তুমি তোমার উপজ্জিত ধনে নিত্য-দান-ক্রিয়াদি সমাধা কর, আর এই দৈব-লক্ষ দশ সহস্র টাকা আমার হস্তে দাও, আমি সুবিধা-ক্রমে তোমার জন্ত একখানি জমিদারি খরিদ করিয়া দিব। হরনারায়ণ বাবু তখন তাঁহার উপদেশে সন্মত হইয়া তাঁহাকে দশ সহস্র মুদ্রা প্রদান করিলেন।

এই রূপে কিছু দিন যাইতে না যাইতেই পূর্ণিয়ার দুর্ভিক্ষ উপস্থিত হইল। লোক-সাধারণ অল্পকষ্টে হাহাকার করিতে লাগিল। হরনারায়ণ বাবুর কোমল হৃদয় তদদর্শনে আকুল হইয়া উঠিল। ইহার এমন অল্প কোন সঞ্চিত অর্থ ছিল না, যে তিনি তাঁহার নিত্য অতিথিসেবা প্রভৃতি নির্বিঘ্নে সম্পন্ন করিয়া আবার উপস্থিত দেশ-ব্যাপী দারিদ্র-দুঃখ বিমোচনে সাহায্য করিতে পারেন। তখন উপায়ান্তর না দেখিয়া বিড্ সাহেবের নিকট উপস্থিত হইয়া বলিলেন, যে মহাশয়! আমি একখানি উত্তম লতা-জনক জমীদারি পাইয়াছি, আপনি এই সময়ে আমার গচ্ছিত দশ সহস্র মুদ্রা প্রত্যর্পণ করিলে, তাহা ক্রয় করি। রিড সাহেব পরম আশ্চর্য্যিত হইয়া তাঁহাকে টাকা গুলি প্রদান করিলেন। তিনি তাহা প্রাপ্ত হইয়া হর্বোৎফুল্ল হৃদয়ে প্রবাস-গৃহে প্রত্যাগমন করত রাশি-প্রমাণ তণ্ডুলাদি ক্রয় করিয়া দীন-দরিদ্র-অনাথদিগকে নিত্য নিয়মে বিতরণ করিতে লাগিলেন। রিড সাহেব একদিন জমীদারি ক্রয়ের অল্প-সন্ধানার্থ দেওয়ানজীর বানায় উপস্থিত হইয়া দেখেন, যে তাঁহার

দান ক্রিয়ার আর ইয়ত্তা নাই। মহা আনন্দে তিনি শত শত দীন দুঃখীকে ভোজন পান বিতরণে বিভ্রত রহিয়াছেন। পরে তাঁহার সহিত সাক্ষাৎ হইলে জিজ্ঞাসা করিলেন “দেওয়ানজী মহাশয়! কোথায় কিরূপ জমীদারি ক্রয় করিয়াছেন, আমি তাহার অল্পসন্ধান লইতে আসিয়াছি। হরনারায়ণ বাবু বিনম্র-ভাবে সেই অনাথ দুঃখী-দিগের প্রতি অঙ্গুলি নির্দেশ করিয়া বলিলেন, “এই আমার বহু অর্থপ্রদ জমীদারি।” আমি আপনার নিকট হইতে টাকা আনিয়া এুই হুভিক্ষ-প্রপীড়িত ব্যক্তিদিগকে খাওয়াইতেছি”। এই প্রত্যক্ষ পরিদৃশ্যমান দান-ধর্ম ব্যাপার দর্শন এবং দেওয়ানজীর উল্লিখিত প্রেম-পূর্ণ বাক্য শ্রবণে তাঁহার অনর্গল প্রেমাশ্রু নিপতিত হইতে লাগিল। কিস্তিক্ষণ তিনি তথায় স্তব্ধ ভাবে দণ্ডায়মান থাকিয়া পরে হরনারায়ণ বাবুকে অগণ্য সাধুবাদ প্রদান পূর্বক তথা হইতে প্রস্থান করিলেন।

হরনারায়ণ বাবুর সেই পূর্ণিয়ায় অবস্থান কালেই ১২২০ সালের ৮ চৈত্র রবিবার, কৃষ্ণপক্ষীয় চতুর্দশী তিথিতে, কুস্ত রাশি, সিংহলগ্নে শ্যামাচরণ বাবু ভূমিষ্ঠ হইলেন।

যখন তাঁহার প্রায় পঞ্চমবর্ষ বয়ঃক্রম, তখন তাঁহার পিতা তাঁহার-দিগকে পূর্ণিয়ায় রাখিয়া কস্মিন্মত্রে কিছু দিনের জন্ত কলিকাতায় আগমন করিলেন। কলিকাতায় কিছু দিন থাকিতে না থাকিতেই তাঁহার উরুস্তম্ভ রোগের সঞ্চার হয় এবং ক্রমে তাহা বৃদ্ধি পাইয়া সাংঘাতিক হইয়া উঠে। তখন তিনি আরোগ্য লাভের আশা পরিত্যাগ পূর্বক স্বীয় জন্মভূমি অভিমুখে গমন করত শান্তিপুরে উপনীত হইলেন। তথায় জাহ্নবীতীরে জ্ঞান পূর্বক মানব-লীলা সম্বরণ করেন।

তাঁহার আসন্ন কাল উপস্থিত দেখিয়া তৎকালে জনৈক আত্মীয় তাঁহাকে জিজ্ঞাসা করেন, যে আপনার সম্ভানাদি প্রতিপালনের জন্ত

কি রাখিয়া গেলেন, তাহাতে তিনি উত্তর করিলেন, “ধর্ম আছেন—
ঈশ্বর আছেন। তদ্ভিন্ন আমার আর কোন সম্পত্তি নাই”। তখন
সকলে তাঁহাকে নিশ্চয় জানিয়া বিস্মিত হইলেন। এইরূপে তিনি
স্বাভাবিক বিপুল অর্থ উপার্জন করিয়া অতিথিসেবা প্রভৃতি নিকাম-
ধর্ম সাধনে সমুদায় ব্যয় করত নিত্য-ধামে গমন করিলেন।

এদিকে তাঁহার মৃত্যু হইল, ও দিকে তাঁহার স্ত্রীপুত্র পরিবার
পূর্ণিয়ার বহুদিন তাঁহার কোন সংবাদ না পাওয়াতে উৎকণ্ঠিত ও
উদ্বেগ হইয়া নৌকাযোগে কলিকাতা অভিমুখে যাত্রা করিলেন।
দুর্ভাগ্য ক্রমে তাঁহার তাঁহার মৃত্যুর ছয় দিন পরে উপস্থিত হওয়াতে
তাঁহার সহিত দেখা সাক্ষাৎ হইল না।

পরে যথা-পদ্ধতি হরনারায়ণ বাবুর শ্রাদ্ধাদি ক্রিয়া সম্পন্ন হইলে
পূর্ণিমা হইতে তাঁহার ত্যক্ত সম্পত্তি সংগৃহীত হইল। তাঁহার ত্যক্ত
সম্পত্তির মধ্যে কেবল একটি হস্তী, দুইটি ঘোটক, একখানি বগী
গাড়ী, ৩৫ বিঘা নিম্নর ভূমি, এবং তাঁহার পত্নীর কতকগুলি অলঙ্কার
মাত্র ছিল। তদ্ভিন্ন মামজাউন গ্রামে তাঁহার পিতৃ-পিতামহ পরি-
ত্যক্ত যৎসামান্য ভূমি-সম্পত্তি মাত্র অবশিষ্ট রহিল।

দ্বিতীয় অধ্যায়।

বাল্য-জীবন।

গ্রামাচরণ বাবু ভূমিষ্ঠ হইয়া অবধি সুখ-স্বচ্ছন্দতার ক্রোড়ে
লালিত পালিত হওত—পঞ্চম বর্ষ বয়ঃক্রম কালে সহায় সম্পত্তি-
হীন—যার পর নাই পিতৃ-হীন হইলেন। বাহার পিতার
ব্যয়ে কত লোক অন্ন-বস্ত্র লাভ করিয়াছে, কত ব্যক্তি বিদ্যা

শিক্ষায় সমর্থ হইয়াছে, কত মনুষ্য বিবর-কার্য লাভ করিয়া স্বচ্ছন্দে সংসার-বাজা নির্বাহ করিতেছে ; শ্যামাচরণ বাবু সেই মহাপুরুষের একমাত্র সন্তান হইয়া এককালে নিরুপায় ও নিরাশ্রয় হইয়া পড়িলেন । তখন তাঁহার আর এমন কেহই ছিল না, যে তাঁহাব বিদ্যা-শিক্ষাদি বিষয়ে বিশেষ যত্নবান হন ।

শ্যামাচরণ বাবুর ভূমিষ্ঠ হইবার কিছু দিন পরে যখন তাঁহার জন্ম-কোষ্ঠী প্রস্তুত হয়, তখন উত্তর-পশ্চিমাঞ্চলীয় জনৈক জ্যোতিষ-শাস্ত্রবিৎ (গণক) পণ্ডিত তাঁহার জন্ম লগ্ন গণনা করিয়া বলেন যে, এই বালক, কয়েকটি বিঘ্ন অতিক্রম করিয়া একজন বিদ্যা-বুদ্ধি-সম্পন্ন প্রধান লোক হইবেন কিন্তু তাঁহার পিতা তদর্শনে সন্মত হইবেন না । সেই গণক-বাক্যই তৎকালে তাঁহার অসহায় জননীর একমাত্র আশা-যষ্টি হইল । তিনি তাহাই জরুরী করত পুত্র-মুখ চাহিয়াই শোক-বেগ সঞ্চরণ করিতে লাগিলেন ।

শ্যামাচরণ বাবু বাল্য-জীবনে যে কয়েকটি সাংঘাতিক বিপদ হইতে উত্তীর্ণ হন, তদর্শনে তাঁহার জননীর গণক-বাক্যে আরো অধিকতর প্রত্যয় জন্মে । তাঁহার আশা-লতা ফল-মুখী হয় । শ্যামাচরণ বাবুর যখন আট মাস বয়স, তখন তাঁহার অন্তপ্রাশন দ্বিবার জন্ত পূর্ণিয়া হইতে মামজীউন গ্রামে নৌকাযোগে তাঁহার জননী, আত্মীয় লোক সমভিব্যাহারে তাঁহাকে লইয়া কুশী নদী দিয়া আসিতে ছিলেন । ইতি মধ্যে এক দিবস মধ্যাহ্নে ভোজনাঙ্তে তাঁহার জননী স্বীয় সন্তানকে লইয়া তরণী মধ্যে শয়ন করিয়া আছেন, আত্মীয় কুটুম্ব সকল বিশ্রাম করিতেছেন, কর্ণধার কর্ণ ধারণ করিয়া নৌকা সঞ্চালন করিতেছে, তাহার অধীনস্থ কর্মচারিগণ নদীতীর দিয়া গুণ্ণরজ্জু আকর্ষণ করিয়া বিপরীত দিকে নৌকা টানিয়া লইয়া যাইতেছে ; ইত্যবসরে আরোহীগণ এবং শ্যামাচরণ বাবুর জননী নিদ্রাভিত্ত হইয়া পড়েন । শ্যামাচরণ বাবু একখানি ভাল-বস্ত্র

নইয়া মাড়কোড়ে ক্রীড়া করিতে করিতে তরঙ্গী-গবাক্ষ দিয়া নদী-জলে পড়িয়া যান, তাঁহার মাতা প্রভৃতি অন্য কেহই তাহা জানিতে পারেন নাই।

নৌকা হইতে কোন দ্রব্য জলে নিপতিত হইল; কর্ণধার সেই শব্দ-মাত্র শ্রবণ করিয়া আরোহীদিগকে ডাকিয়া বলাতে শ্যামাচরণ বাবুর জননীর নিদ্রা ভঙ্গ হইয়া গেল। নেত্র উন্মীলিত করিয়া দেখেন যে তাঁহার স্নেহের পুতলিকা পুত্রটাই পড়িয়া গিয়াছে! তখন তিনি উচ্চৈঃস্বরে রোদন করিয়া উঠিলেন। অপরাপর সকলে শশব্যস্ত হইয়া বালক অবেশে প্রবৃত্ত হইল। বালকটী যখন নৌকা হইতে পাখাহস্তে জলে নিপতিত হয়, তখন নদী-তীরবর্তী ক্ষেত্রে একটি কৃষক ভূমি-কর্ষণ কবিতে করিতে দেখিতে পাইয়াছিল যে, নৌকা হইতে কি একটা দ্রব্য জলে পতিত হইয়া ভাসিয়া যাইতেছে। সে আরোহীদিগকে রোদ্ধদ্যমান এবং অতিমাত্র ব্যাকুল দেখিয়া অঙ্গুলি নির্দেশ পূর্বক দেখাইয়া দিল, তদর্শনে মন্তরাম ভাণ্ডারী নামক একটা বিশ্বস্ত ভৃত্য নৌকা হইতে নদীজলে ঝম্প প্রদান পূর্বক তালবৃন্তাবলগ্নী ভাসমান শিশুকে জল হইতে উদ্ধৃত করিল। শ্যামাচরণ বাবু যে বিদ্যা-বুদ্ধি-প্রভাবে নানা শাস্ত্রজ্ঞ বিবিধভাষাবিৎ সুপণ্ডিত হইয়া সকলের শ্রদ্ধের ও পূজনীয় হইয়াছিলেন, তাঁহার সেই শৈশবাবস্থায় বিকাশ-উদ্ভূত বুদ্ধিই যেন তাঁহাকে তালবৃন্ত ধারণ করিয়া থাকিতে উপদেশ দিয়া ছিল। বস্তুতই সেই পাকাখানি ধরিয়া না থাকিলে শীঘ্রই জলমগ্ন হইয়া যাইতেন। কল্পনা-নিধান পরমেশ্বর, কি সামান্য স্ত্রেই তাঁহাকে এই বিবম সঙ্কট হইতে রক্ষা করিয়াছিলেন!

আবার যখন শ্যামাচরণ বাবুর ২৯ বৎসর মাত্র বয়ঃক্রম, তখনও পূর্ণিয়াতে তাদৃশ একটা সাংঘাতিক বিপদ উপস্থিত হয়। এক দিন তিনি প্রবাস-প্রাক্তনে বাল্য-স্মৃতি ক্রীড়া করিতে করিতে

পরিবারস্থ সকলের অজ্ঞাতসারে মধ্যাহ্ন কালে অকস্মাৎ কূপ-মধ্যে নিপতিত হইলেন। কিয়ৎকাল পরে তাঁহাকে দেখিতে না পাইয়া আত্মীয়-স্বজন ও দাস-দাসী ব্যাকুল অন্তরে শিশু-অশ্বেষণে প্রবৃত্ত হইল, পুষ্করিণী জল প্রভৃতি পুচ্ছাপুচ্ছরূপে ভষ করা হইল, পুলিশ প্রভৃতি স্থানে সংবাদ দেওয়া গেল, জামাচরণ বাবুর পিতাও কার্যালয় হইতে প্রত্যাগত হইয়া নানা চেষ্টা করিতে লাগিলেন কিন্তু কুজাপি বালকটাকে প্রাপ্ত হওয়া গেল না। সুতরাং সকলেই রোদন ও হা হতাশ করিতে লাগিলেন। ক্রমে দিবা অবসান হইল। অপরাহ্ন ৪ টার সময় হরনারায়ণ সরকার মহাশয়ের আশ্রিত ও অল্পগত চন্দ্রমোহন চক্রবর্তী নামক জনৈক ব্রাহ্মণ, পদ-প্রক্ষালনাদি অন্ত রজ্জু-সংলগ্ন জল-পাত্র নিক্ষেপ করত কূপ হইতে জলোত্তোলনে প্রবৃত্ত হওয়াতে, কূপ-পতিত শিশুটী সেই জল-পাত্র বা রজ্জুটী ধরিল। তাহাতে সেই ব্রাহ্মণ সন্দিগ্ধ-চিন্ত হইয়া শশব্যস্তে কূপ মধ্যে অবতরণ করিয়া দেখিলেন যে, বালকটী এক হস্তে কূপের পাট ধরিয়া কূপ-জলে মগ্ন-দেহ হইয়া রহিয়াছে। তখন যত্ন সহকারে তথা হইতে উত্তোলন করিয়া দেখিলেন যে, তাহার প্রাণ-বিস্রোগ হয় নাই। তখন তাহার শরীর ঘূর্ণিত করাতে বুমন দ্বারা পীত-সলিল নির্গত হইতে লাগিল, তৎপরে অগ্নি জালিয়া সেক দেওয়াতে ক্রমে সর্কশরীর উষ্ণ হইয়া উঠিল। এইরূপ নানান্ত্রাণ দ্বারা ক্রমে চৈতন্য-লাভ ও জ্ঞান-সঞ্চার হওয়াতে সকলের আনন্দের আর পরিসীমা রহিল না। এই দুই বার দুইটী গুরু-বিপদ হইতে বালকটী মুক্ত হওয়াতে গণক-বাক্যে তাঁহার জননীর দৃঢ় প্রত্যয় জন্মিয়াছিল। সুতরাং তাঁহার বৈধব্য-দশায় সেই বিবাদ-অঙ্ক-কারের মধ্যে তাঁহার হৃদয়-আকাশে এই আশা-রশ্মির সঞ্চার হইতে লাগিল যে, বালকটীর গণক-কথিত যাহা বিঘ্ন বিপত্তি ঘটিল তাহা ঘটয়া গিয়াছে, এখন অবশুই ইহার দ্বারা পরিণামে মঙ্গল হইতে

পারে। এই চিন্তাই তখন তাঁহার শোক-বেগ সম্বরণের মর্হোষধ হইয়া উঠিল।

শ্যামাচরণ বাবুর পিতৃ-শ্রাদ্ধাদি সমাপন হইয়া গেলে, দিন কয়েক পরে, তাঁহার জননী সেই অপোগণ্ড শিশুকে সঙ্গে লইয়া স্বামীর পরিত্যক্ত বিষয়াদি হস্তগত করিবার জন্ত পূর্ণিয়ায় পুনরায় গমন করিলেন। তথায় ষাইয়া উপস্থিত হইলে শ্যামাচরণ বাবুর জনৈক পিতৃ-বন্ধু, তাঁহাকে সঙ্গে কবিয়া রিড সাহেবের নিকট লইয়া যান। রিড সাহেব তাঁহার পিতার মৃত্যু-সংবাদে অত্যন্ত দুঃখ প্রকাশ করিয়া রাণী ইন্দ্ৰাবতীর উত্তরাধিকারী রাজা বিজয়গোবিন্দ সিংহকে বালক-টীর ভরণ-পোষণার্থ কিছু মাসিক বৃত্তি প্রদান জন্ত বিশেষ অনুরোধ করেন, তাহাতে মহারাজও ইচ্ছা পূর্বক মাসিক দশ টাকা বৃত্তিদানে স্বীকৃত হন। রিড সাহেব তাহাতে সন্তুষ্ট হইয়া শ্যামাচরণ বাবুকে বলিলেন যে, তুমি হতাশ হইও না, মনোযোগ পূর্বক লেখা পড়া করিবে, তুমি কৃত-বিদ্য হইলে আমি তোমাকে চাকরী করিয়া দিব। পরে তাঁহার পূর্ণিয়া হইতে বিদায় লইয়া বাটীতে উপস্থিত হইলেন।

তাঁহার পিতৃব্যদিগের মধ্যে দুই জনের এরূপ দৃঢ়-বিশ্বাস ছিল যে, তাঁহার জননীর হস্তে কতক গুলি সঞ্চিত অর্থ আছে। তাঁহার শ্যামাচরণ বাবুর জননীর নিকট হইতে তাঁহার ও তাঁহার পুত্রাদির ভরণ-পোষণ জন্য সাহায্য-লাভের প্রত্যাশা করিতে লাগিলেন। সুতরাং তিনি অর্থ-অসংগতি প্রযুক্ত তাঁহাবদের অভিলাষ পরিপূরণে অসমর্থ হওয়াতে ক্রমে আত্মীয় জনের বিরাগভাজন হইয়া উঠিলেন। হুষ্ঠ লোকেরা সন্দিক-চিত্ত হইয়া তাঁহার ঘরে দুই-বার চুরি করিয়াছিল।

তৃতীয় অধ্যায় ।

বিদ্যা-শিক্ষা ও বিবয়-কার্য ।

যাহা হউক এদিকে কষ্টে-স্বাধীন এক প্রকার দিনপাত হইতে লাগিল, কিন্তু শ্যামাচরণ বাবুর পড়া শুন্য অন্য কিছু সুবিধা না হওয়াতে গ্রাম্য গুরু-মহাশয়ের পাঠ-শালাতেই যাহা কিছু শিক্ষা হইতে লাগিল। এই রূপে কিছুকাল অতিবাহিত হয়। তৎপরে যখন তাঁহার প্রায় চতুর্দশ বৎসর বয়ঃক্রম, তখন তিনি কৃষ্ণনগরে তাঁহার জ্ঞাতি পিতামহ সম্বন্ধীয় এক ব্যক্তির মৃত্যু হইলে তথায় তিনি শ্রাদ্ধের নিমন্ত্রণ উপলক্ষে গমন করেন। শ্রাদ্ধ-কার্য্য সম্পন্ন হইলে, তাঁহার জ্ঞাতি খুল্লতাত শ্রীযুক্ত হরচন্দ্র সরকার মহাশয়ের সহিত তাঁহার সাক্ষাৎ হয়। তিনি তাঁহাকে শিষ্ট-শাস্ত্র ও মেধাবী দেখিয়া তাঁহার বাটীতে রাখিয়া লেখা পড়া শিখাইবার ইচ্ছা প্রকাশ করিলেন। শ্যামাচরণ বাবু তাহাতে আপনাকে পরম উপকৃত জ্ঞান করিয়া তাঁহার বাটীতেই থাকিলেন। তাঁহার খুল্লতাত মহাশয় তাঁহাকে তৎকাল-প্রচলিত পারসী ভাষা শিক্ষার জন্য পারস্য ভাষায় সুপণ্ডিত শ্রীযুক্ত বাবু শ্রীনাথ লাহিড়ী নামক একটি সম্ভ্রান্ত লোকের নিকট শিক্ষার্থ নিয়োগ করিলেন। শ্রীনাথ বাবু অনেক বালককে বিদ্যা-দান করিতেন, তাঁহাকেও অবৈতনিক ছাত্র মধ্যে নিযুক্ত করিয়া প্রথম পাঠ্য “পদ্ম নামা” নামক ক্ষুদ্র পুস্তক দিয়া পারসী পড়াইতে লাগিলেন। এ দিকে শ্যামাচরণ বাবু পুস্তক ক্রয় করিবার শক্তি নাই, ওত্থিকে তিনি প্রথর-বুদ্ধি-প্রভাবে প্রথম পাঠ্য পুস্তক খানি অত্যল্প কাল মধ্যেই পড়িয়া ফেলিলেন।

কৃষ্ণনগরে তাঁহার পিতৃ-পিতামহের পরিত্যক্ত সম্পত্তি মধ্যে বার্ষিক এক টাকা বার আনা রাজস্ব প্রাপ্ত হওয়া যায়, এমন একটু ভূমি

সম্পত্তি ছিল। সেই খাজনাব অর্দ্ধাংশ দিয়া একটি আত্মীয় সন্নিধানে গোলেস্তাঁ নামক একখানি পারসী পুস্তক ক্রয় করিলেন। তৎপরে তাঁহাকে যে সকল পারসী পুস্তক পড়িতে হইয়াছিল, তাহা তিনি স্বহস্তে লিখিয়া লইয়া পাঠ করিতেন। এইরূপে জীনাথ বাবুর নিকটে তৎকালের উচ্চ শিক্ষণীয় “আলামি” নামক গ্রন্থ পর্য্যন্ত অধ্যয়ন হয়। এই সময়েই তাঁহার কবিতা রচনার শক্তি প্রদীপ্ত হইয়াছিল, অবকাশ কালে নীতি ও ধর্ম-ভাবপূর্ণ কবিতা সকল প্রস্তুত করিয়া অনেককেই বিস্মিত ও চমৎকৃত করিয়া তুলিতেন। প্রায় ছয় বৎসর কাল মনোযোগ পূর্ব্বক পারস্য ভাষা শিক্ষা করাতে উক্ত ভাষায় তাঁহার বিষয়-কার্য্যাদি সাধন-উপযোগী জ্ঞান লাভ হইয়াছিল। তৎপরে তিনি কলিকাতায় আসিয়া তাঁহার পিতৃ-বন্ধু পূর্ণিয়ার রিড্ সাহেবের সহিত খিদিরপুর ওয়াটগঞ্জে বাইয়া সাক্ষাৎ করিলেন। রিড্ সাহেব তাঁহার শিক্ষিত বিষয়ে কথঞ্চিৎ পরীক্ষা গ্রহণ করত সন্তুষ্ট হইয়া মাসিক দশ টাকা বেতনে তাঁহার মুন্সির পদে তাঁহাকে নিযুক্ত করিলেন। তাহার কয়েক বৎসর পূর্ব্বে মহারাজ বিজয়গোবিন্দের বৃত্তি স্থগিত হইয়াছিল।

চার্লস্ রিড্ সাহেব খিদিরপুর ওয়াটগঞ্জে থাকিয়া লাভের প্রত্যাশায় পূর্ণিয়া জেলাস্থ লোকের কলিকাতা সদর দেওয়ানী আদালতের বিচার্য্য, প্রধান প্রধান মোকদ্দমা সকল খরিদ করিয়া চালাইতেন এবং তত্রত্য রাজ পরিবারের মোকদ্দমা বিষয়েও সাহায্য করিতেন। পূর্ণিয়ানিবাসী মণিলাল খোঁটা নামক তাঁহার এক জন খাজান্দারী ছিল। তাঁহার স্বভাব-গত কোন দোষ দৃষ্টে কার্য্যের প্রতি সন্দিহান হইয়া সাহেব তাঁহাকে কস্মিন্মতেও কটরন। মণিলাল তাঁহার প্রাপ্য বেতনাদি লইয়া রিড্ সাহেবের নামে রাজ-দ্বারে অভিযোগ উপস্থিত করিলেন। রিড্ সাহেব স্বপক্ষ সমর্থন জন্ত শ্রীমাচরণ বাবুকে সাক্ষী মানিলে কি জানি সাহেবের অহুরোধে পাছে মিথ্যা

সাক্ষ্য দিতে হয়, এই ভয়ে তাঁহার তৎকালীন ১০ টাকা বেতনের হুলত চাকরীটা ধর্মের অমুরোধে অগ্নান বদনে পরিত্যাগ করিয়া তাঁহার পূর্বপরিচিত বন্ধু এবং হিন্দু কলেজের সুবিখ্যাত ছাত্র শ্রীযুক্ত বাবু রামতল্লু লাহিড়ী মহাশয়ের পটলডাকার বাসায় উপস্থিত হইলেন এবং তাঁহাকে পূর্ব বৃত্তান্ত অবগত করিলেন। স্থানপরা-য়ণ রামতল্লু বাবু তৎশ্রবণে আত্মাদের সহিত নিজ প্রবাস-গৃহে রাখিয়া সহোদর-নির্কির্শেষে প্রতিপালন করিতে লাগিলেন। প্রক্টেই পূর্ণিয়ার রাজ-পরিবারের মাসিক বৃত্তিটা স্থগিত হইয়াছিল, এ দিকে রিড সাহেবের নিকট যে প্রায় এক বৎসর কাল দশ টাকা বেতনে মুনসীর কার্য করিতেছিলেন, উল্লিখিত ঘটনা উপলক্ষে তাহা হইতেও তাঁহাকে বঞ্চিত হইতে হইল। সুতরাং তিনি জননী ও সহোদরা প্রভৃতি প্রতিপালনে এককালে নিরুপায় হইয়া পড়িলেন।

যখন তিনি রামতল্লু বাবুর নিকটে অবস্থান করেন, সেই সম-য়েই ভারত-প্রসিদ্ধ রামগোপাল ঘোষ মহাশয়ের সহিত তাঁহার আলাপ পরিচয় হয়। রামগোপাল বাবু ষড় চেষ্টা করিয়া জোজ্জফ কোম্পানির আপিসের অধ্যক্ষ জোজ্জফ সাহেবকে হিন্দি পড়াইবার জন্য শ্রামাচরণ বাবুকে মাসিক ২০ টাকা বেতনে নিযুক্ত করিয়া দেন। তৎপরে ক্যালসেল সাহেবকে হিন্দি পড়াইবার জন্যও নিযুক্ত হন। সাহেবদিগকে হিন্দি পড়াইবার সময়েই তাঁহার বিশেষ হৃদয়ঙ্গম হইল যে, কিছু ইংরাজি না জানিলে বিষয়-কার্য লাভ করা দুষ্কর, তজ্জন্ত যখন তাঁহার বয়ঃক্রম প্রায় ২২ বৎসর, তখন তিনি রামতল্লু বাবুর নিকটে ইংরাজি ভাষার বর্ণমালা শিক্ষা করিতে আরম্ভ করিলেন। তৎপরে পটলডাকারস্থিত শ্রীযুক্ত বাবু উমাচরণ মিত্র মহাশয়ের সহিত তাঁহার বিশেষ সম্ভাব সঞ্চার হও-রাত্রে শ্রামাচরণ বাবু তাঁহার নিকটে ইংরাজি ভাষার গ্রীষ দেশের ইতিহাস ও ব্যাকরণ প্রভৃতি অধ্যয়ন করেন। এই সময়ে তাঁহার

ইংরাজি ভাষায় অল্প অল্প কথোপকথন করিবার সামর্থ্য জন্মিল। তখন প্রতিদিন সাংকালে গাড়ের মাঠে যে সকল ইংরাজ বাবু-সেবনার্থ ভ্রমণ করিতে আসিতেন, তিনি তাঁহারদিগের পশ্চাৎ পশ্চাৎ যাইয়া জিজ্ঞাসা করিতেন যে “আপনারদের মধ্যে কাহারও কি পণ্ডিত বা মুন্সীর প্রয়োজন আছে?” এইরূপে চাকরী সংগ্রহ করিয়া লইতেন। তৎপরে এক দিন ঈদূশ উপায়ে ডাক্তার ম্যাকডলেণ্ড সাহেবের সহিত তাঁহার সাক্ষাৎ হয়। তিনি তাঁহাকে ইংরাজি ভাষায় মুন্সী দেখিয়া আশ্চর্য পূর্বক হিন্দি-শিক্ষা জন্ত নিযুক্ত করিলেন। ম্যাকডলেণ্ড সাহেব অত্যন্ত কাল মধ্যেই শ্যামাচরণ বাবুর বুদ্ধিমত্তার পরিচয় পাইয়াছিলেন। ইতিমধ্যে সার চার্লস ট্রিবিলিয়ান সাহেব কোম্পিলের মেম্বর হইয়া ১৮৩৪ খৃষ্টাব্দে ডি রোজারিও সাহেবকে ইংরাজি, হিন্দি ও বাঙ্গালা অর্থ-মুস্ত “রোমান অক্ষরে একখানি অভিধান প্রস্তুত করিতে ভার-অর্পণ করেন। তৎকার্য্য-সাধনে সাহায্য করিবার জন্য শ্যামাচরণ বাবুকে অল্পরোধ পত্র সহ পাঠাইয়া দেন। শ্যাম চরণ বাবু সম্পূর্ণ সাহায্যে যখন প্রাপ্ত অভিধান খানি প্রস্তুত হইয়া মুদ্রিত হইতে আরম্ভ হয়, তখন ট্রিবিলিয়ান সাহেব তাহার এক একটা প্রক দেখিতেন। শ্যামাচরণ বাবু যখন প্রক লইয়া সাহেবের নিকট যাইতেন, তখন তাঁহার মুন্সী দিল্লিনিবাসী ইরাকুব খাঁ তাঁহার মুখে সময়ে সময়ে কতিপয় অপরিপক্ক উর্দু-বাক্য শুনিয়া উপহাস করিতেন। শ্যামাচরণ বাবু তাহাতে লজ্জিত হইয়া বিশুদ্ধ উর্দু শিক্ষার জন্য দৃঢ়-প্রতিজ্ঞ হইলেন। তখন কলিকাতা মাদ্রাসা কালেজে দিল্লিনিবাসী হাকেম গোলাম নবী নামক জনৈক প্রসিদ্ধ অধ্যাপক ছিলেন। শ্যামাচরণ বাবু তাঁহার নিকটে উর্দু শিক্ষা জন্য উপস্থিত হইলেন। তিনি শিক্ষার্থীর আগ্রহাতিশয় দেখিয়া যত্নের সহিত শিক্ষা দিতে লাগিলেন। শ্যামাচরণ বাবু তাহাতেও পরিতৃপ্ত না হইয়া অত্যন্ত কাল

মধ্যে উল্লিখিত ভাষায় ব্যুৎপন্ন হইবার জন্য সেক্সপিয়ারের উর্দ্ধ অভিধানের শব্দ ও লিঙ্গ-ভেদ এবং ডাক্তার গিলক্রাইষ্ট সাহেবকৃত উর্দ্ধ-ব্যাকরণ অভ্যাস করিতে লাগিলেন এবং অল্পকাল মধ্যেই প্রাপ্ত প্রাণ্ডয় কণ্ঠস্থ করিয়া ফেলিলেন। এইরূপে হিন্দী ও উর্দ্ধ ভাষায় বিশেষ অধিকার লাভ করিয়া ১৮৩৭ খৃষ্টাব্দের পূর্বেই উল্লিখিত ইংরাজি হিন্দি ও বান্গালা অর্থযুক্ত অভিধান খানি অনায়াসে সম্পন্ন করিয়া তুলিলেন। ট্রিবিলিয়ান সাহেব তৎকালে উর্দ্ধ-ভাষায় রোমান অক্ষরে যে সকল পুস্তক মুদ্রিত করেন, শ্যামাচরণ বাবু দ্বারা তৎসমূহ শোধিত হইয়া প্রকাশিত হয়। তদ্বারা তিনি ট্রিবি-লিয়ান সাহেবের বিশেষ স্নেহভাজন হইয়া উঠেন। তাহার কিছু দিন পরেই ট্রিবিলিয়ান সাহেব বিলাত গমন সময়ে অস্টেল লিপেজ কোম্পানির উপর এই অমূল্য পত্র-দ্বিগা যান যে, তাঁহার তাঁহার হিসাবে শ্যামাচরণ বাবুকে মাসিক কুড়ি টাকা করিয়া বৃত্তি দিবেন। তদ্বিত্ত তখন শ্যামাচরণ বাবু চর্চমিশন সোসাইটীর পুস্তকাদির গ্রন্থ শোধন কার্যাদি করাতে তাঁহার আরো মাসিক দশ টাকা আয় ছিল। তিনি সেই ত্রিশ টাকা আয় হইতে মাসিক আট টাকা বেতন দিয়া সেন্ট জেভিয়ার্স কলেজে লাতিন, গ্রীক, ফ্রেঞ্চ এবং ইংরাজি পড়িতে আরম্ভ করিলেন। এবং তদ্রত্য জৈনিক অধ্যাপকের নিকট ইটালিয়ান ভাষা শিক্ষা করিতে লাগিলেন।

ওদিকে ট্রিবিলিয়ান সাহেবের বৃত্তি দুই বৎসর পরেই স্থগিত হইয়া গেল, এদিকে ১৮৩৭ খৃঃ অব্দে ১ জুলাই তারিখে ২৫ টাকা বেতনে কলিকাতার মাদ্রাসা কলেজে শ্যামাচরণ বাবু পণ্ডিতের পদে নিযুক্ত হইলেন। তিনি সবিশেষ যত্ন ও পরিশ্রম সহকারে কালকদিগকে শিক্ষাদান করাতে বালকেরা উত্তমরূপে পরীক্ষোত্তীর্ণ হইয়াছিল, তাহাতে বিদ্যালয়ের কর্তৃপক্ষীয়গণ তাঁহার প্রতি সন্তুষ্ট হইয়া ৪০ চল্লিশ টাকা বেতন নির্দিষ্ট করিয়া দিলেন।

মাদ্রাসা কালেজের সেক্রেটারি মেজর ঔস্গী সাহেব শ্যামাচরণ বাবুর অধ্যয়ন-অনুরাগ দেখিয়া উক্ত কালেজে এইরূপ নিয়ম করিয়া দিলেন যে, প্রতিদিন প্রাতঃকালে ৬টা হইতে ১০টা পর্য্যন্ত ছাত্রগণ বাঙ্গালা পড়িবে। তাহাতে শ্যামাচরণ বাবুর জেভিয়ার্স কালেজে পড়িবার বিশেষ সুবিধা হইয়াছিল। তিনি দশটার পর উক্ত কালেজে পড়িতে যাইতেন। এইরূপে ছয় বৎসর কাল যখন তিনি মাদ্রাসায় পড়াইতেন এবং সেন্ট জেভিয়ার্স কালেজে পড়িতেন, তখন রবিবার বা অন্য কোন পূর্ণ-দিন-নিবন্ধন অবকাশ কাল ভিন্ন, দিবসে অন্নাহার করিবার অবকাশ পাইতেন না। কোন কোন দিন জলে বা তৃষ্ণে ময়দা গুলিয়া খাইয়া যাইতেন, না হয় দিবসের মধ্যে কেবল এক পয়সার শুক ছোলা খাইতেন।

শ্যামাচরণ বাবু প্রতিদিন রাত্রিশেষে শয্যা ত্যাগ করিয়া স্নান করত কখন বা পূর্ব দিবসের রক্ষিত রুটী ও ব্যঞ্জনাদিও ভোজন করিতেন। এইরূপে অতি প্রত্যুষে স্নান আহার সমাপনান্তে দুই একটা সাহেবকে পড়াইয়া ৬ ছয়টার সময় মাদ্রাসা কালেজে উপস্থিত হইতেন। ১০দশটা পর্য্যন্ত তথায় ছাত্রদিগকে শিক্ষাদান করত আপনি জেভিয়ার্স কালেজে অপরাহ্ন ৪ চারিটা পর্য্যন্ত ছাত্র রূপে অধ্যয়ন করিতেন। তৎপরে তথা হইতে দুই একজন ইংরাজকে পড়াইতেন। এই নমস্ত কার্য্য সমাধা করিয়া রাত্রি ৮৯ টার সময় পটলডাঙ্গায় নিজ বাসায় আসিয়া আহারাদি করত কালেজের পাঠ অভ্যাসে নিযুক্ত হইতেন।

গ্রীক, ল্যাটিন, ফরাসিস, ইংরাজি এবং ইটালীয় ভাষায় পাঠ্য পুস্তক সকল অভ্যাস করিতে করিতে কোন কোন দিন রাত্রি-অবসান হইয়া যাইত। ছয় বৎসর কাল এইরূপে কালেজের অবধারিত পাঠ্য পুস্তক সকল পাঠ করিয়া, সপ্তম বর্ষে উক্ত কালেজে ল্যাটিন ভাষায় লজিক ও মেটাকজিক্স* অধ্যয়ন করিতে লাগিলেন। তৎকালে উক্ত

* ন্যায় ও মনস্তত্ত্ব।

কালেজে, শ্যামাচরণ বাবু, রবর্ত ক্যান্টোফর, এডুইন ক্যান্টোফর এই তিনটি ছাত্রই একশ্রেণীতে ছিলেন। উল্লিখিত ছাত্রত্রয়ের মধ্যে শ্যামাচরণ বাবু এবং রবর্ত ক্যান্টোফর * যোগ্যতা ও বিশ্বস্ততার সহিত রাজ-কার্য সমাধা করিয়া সসম্মানে রাজ-বৃত্তি ভোগ করিয়াছেন; শেষোক্ত ছাত্রটি হুগলি কালেজে প্রধান শিক্ষকরূপে নিযুক্ত আছেন।

মাদ্রাসায় শ্যামাচরণ বাবু যখন নিযুক্ত ছিলেন তখন তিনি চতুর্থ স্ত্রীশিক্ষক অধ্যাপক মৌলবী গয়াসুদ্দীন এবং মৌলবী আবদার রহিমের নিকট আর্থহ সহকারে আরবী ভাষা শিক্ষা করিতেন।

তদনন্তর মাদ্রাসা কালেজ হইতে তিনি কলিকাতা সংস্কৃত কালেজে ১৮৪২ খৃঃ অব্দে অক্টোবর মাসে মাসিক ৭০ টাকা বেতনে ইংরাজী শিক্ষকের-পদে নিযুক্ত হন। এই সময় তাঁহার সংস্কৃত ভাষা শিক্ষার পথ প্রযুক্ত হইল। তথায় তিনি স্বকার্যসাধন করিয়া যে অবকাশ পাইতেন, সেই অবকাশ-কালে মহামান্য পণ্ডিত প্রেমচাঁদ তর্কবাগীশ ও গিরিশচন্দ্র বিদ্যারত্ন এবং গঙ্গাধর তর্কবাগীশ মহাশয়ের নিকট সাহিত্য ও ব্যাকরণ পাঠ করিতে লাগিলেন এবং পণ্ডিতাগ্রগণ্য জয়নারায়ণ তর্কপঞ্চানন মহাশয়ের নিকট তত্ত্ববোধিনী সভার প্রকাশিত সাত খানি উপনিষদ, সমঞ্জসা বৃত্তি, এবং ভগবান্ শঙ্করাচার্যের শারীরক ভাষ্যের কিয়ৎ অংশ অধ্যয়ন করেন ও ভক্তিতাজন। জীযুক্ত পণ্ডিত ঈশ্বরচন্দ্র বিদ্যাসাগর মহাশয়ের নিকট শ্রীকৃষ্ণ তর্কালঙ্কারকৃত দায়-ক্রমসংগ্রহের কতকটা পাঠ করেন। এইরূপে অধ্যয়ন ও অধ্যাপনায় সংস্কৃত কালেজে তাঁহার প্রায় ছয় বৎসর কাল অতিবাহিত হয়। এই সময়ে তাঁহার বাল্য-জীবনের দুইটি

* এখন জীবিত আছেন কি না অবগত নহি, প্রস্তাব রচনা-কালে জীবিত ছিলেন।

শুক্লতব বিপদের স্তায় আর একটা রোমহর্ষণ নিদারুণ দুর্ঘটনা উপস্থিত হইয়াছিল। এক দিন তিনি কতিপয় আত্মীয় স্বজন সম-
ভিব্যাহারে কলিকাতা হইতে নৌকাযোগে তাঁহার পুত্রের অন্ত্রপ্রাশন
উপলক্ষে মামজোয়ানি গ্রামে যাইতেছিলেন। টিটাগড়ের নিকট
যাইবামাত্র অকস্মাৎ প্রবল বাত্যা উথিত হওয়াতে তাঁহারদের
নৌকাখানি বিশালাক্ষী-দহে বিপর্যস্ত হইয়া যায়। সেই ভয়ঙ্কর
আবর্তে পতিত হওয়াতে তাঁহার সঙ্গীগণের মধ্যে তিন জন মৃত্যু-মুখে
নিপতিত হইল। তিনি তাঁহার প্রত্যাগমন বুদ্ধি-প্রভাবে বিপর্যস্ত-
তরণীপৃষ্ঠে আরোহণ করত ভীষণ তরঙ্গমালা অতিক্রম পূর্বক
প্রবাহ-মুখে ভাসিতে ভাসিতে পলতায় যাইয়া উথিত হইয়াছিলেন।
কয়েকটা তীরবর্তী দয়ার্দ্ৰচিত্ত ইংরাজ, পুরস্কার-প্রলোভন প্রদর্শন
করিয়া অপর নাবিকদিগকে উত্তেজিত করত জল-মগ্ন ব্যক্তিদিগকে
উদ্ধার করিবার জন্য বিশেষ চেষ্টা পাইয়াছিলেন।

বহু শুশ্রূষা দ্বারা শ্যামাচরণ বাবু শরীর প্রকৃতিস্থ হইলে কলি-
কাতায় প্রত্যাগমন পূর্বক পুনর্বার নৌকা-যোগে তিনি মামজোয়া-
নিতে গমন করিয়াছিলেন। আর্য্য-কুল-দেবতা দীন হীন বঙ্গের মুখো-
জ্জল করিলার জন্যই যেন তাঁহাকে পুনঃ পুনঃ মৃত্যুর করাল গ্রাস
হইতে উদ্ধার করিয়াছিলেন!

সংস্কৃত কালেজে অধ্যাপনাকালেই তিনি জটনৈক রাজ-পুরুষ কর্তৃক
অনুরুদ্ধ হইয়া ফোর্ট উইলিয়ম কালেজের ব্যবহারার্থ “ইন্ট্রাডক্সন
টু দি বেঙ্গলি ল্যাঙ্গুয়েজ” নামক একখানি ইংরাজি বাঙ্গালা ব্যাকরণ
লিখিয়া মুদ্রিত ও প্রকাশিত করেন। তজ্জন্য তিনি গবর্ণমেন্ট-গৃহীত
তাঁহার পুস্তকের মূল্য স্বরূপ সহস্র মুদ্রা প্রাপ্ত হন।

তাঁহার কিছু দিন পরে কলিকাতা সদর দেওয়ানী আদালতের
জটনৈক পেশকার শরশুনা বেহালা নিবাসী বাবু দ্বারকানাথ চট্টোপা-
ধ্যায় মহাশয়ের মৃত্যু হয়। তাঁহার মাসিক একশত টাকা বেতন

টল। শ্যামাচরণ বাবু সেই পদের প্রার্থী হইয়া ষথানির্দিষ্ট পরীক্ষায় নিৰ্কিষ্মে উত্তীর্ণ হইলেন। প্রথম হইতেই শ্যামাচরণ বাবু শিক্ষকতা কার্য সম্পাদন করিয়া আসিতেছিলেন, আদালতের কার্য কখনও করেন নাই কিন্তু তাঁহার তীক্ষ্ণ বুদ্ধি, প্রখর মেধা থাকাতে তিনি নিঃশঙ্ক-চিত্তে ১৮৪৮ খৃঃ অব্দের ফেব্রুয়ারি মাসে উক্ত পেশকারি পদে নিযুক্ত হইলেন। তৎকালের সদর-দেওয়ানী আদালতের জনৈক সুপ্রসিদ্ধ উকিল গোলাম সন্দার নামক এক ব্যক্তির নিকটে অত্যন্ত কাল মধ্যেই আদালতের কার্য-প্রণালী শিখিয়া লইলেন।

এই রূপে কিছু দিন টকর সাহেবের এজলাসে পেশকারি করিতে করিতে, টকর সাহেব পীড়িত হইয়া অবকাশ গ্রহণ করেন; তাঁহার স্থানে ডনবর সাহেব আসিয়া নিযুক্ত হইলেন। সেই সময়ে কলবিন সাহেব সদর দেওয়ানির রেজেষ্ট্রার ছিলেন। তিনি শ্যামাচরণ বাবুর বিদ্যা-বুদ্ধি কার্য-দক্ষতার এবং বিশেষতঃ চরিত্রের সবিশেষ পরিচয় ডনবর সাহেবকে বিশেষ রূপে প্রদান করেন। ডনবর সাহেব কার্যনির্বাহ বিষয়ে শ্যামাচরণ বাবুর সৰ্ব্ববিষয়েই ততোধিক পরিচয় পাইয়া অতীব সন্তুষ্ট হইতে লাগিলেন।

এই সময়েই একদিন ডনবর সাহেব তাঁহাকে জিজ্ঞাসা করিলেন, যে কি উপায় অবলম্বন করিলে অল্পকাল মধ্যে অধিক মোকদ্দমা নিষ্পত্তি হইতে পারে? এখন যে রূপ পদ্ধতিতে আরজি, জবাব প্রভৃতি পড়া হয়, তাহাতে অনেক সময় বৃথা অতি-বাহিত হইয়া থাকে। ইহাতে প্রতি মাসে ৩।৪ টী, না হয় পাঁচটা মোকদ্দমাই নিষ্পত্তি করা যায়। তাহাতে শ্যামাচরণ বাবু বলিলেন, যে বিবেচনা করিয়া কল্যা আপনাকে ইহার উত্তর দিব। এই বলিয়া তিনি ষথাসময়ে কয়েকটা মোকদ্দমার নথী ঘরে লইয়া গেলেন। বাটীতে ষথোচিত পরিশ্রম করিয়া সেই সমস্ত ইংরা-

জীতে অহুবাদ করিলেন এবং তাহার বিচার্য বিষয় কি, তাহাও সংক্ষেপে লিপিবদ্ধ করিয়া পরদিন যথানির্দিষ্ট সময়ে আদালতে উপস্থিত হওত তাহা সাহেবকে দেখাইলেন। অহুবাদ সকলের যথার্থ্য সপ্রমাণ জন্য সাহেবের হস্তে ইংরাজি অহুবাদ দিয়া আপনি নথীটি পড়িতে লাগিলেন। ডনবর সাহেব তৎশ্রবণে এবং অহুবাদ পাঠে সবিশেষ আত্মনিবেশিত ও সন্তুষ্ট হইলেন। এইরূপে অল্পকাল মধ্যে ইংরাজিতে মোকদ্দমার ভাব ও অবস্থা অবগত হইয়া উভয় পক্ষীয় উকীলদিগকে আহ্বান করত তাহা অবগত করিয়া অনধিক কাল-মধ্যে তাঁহারদের বক্তৃতা শ্রবণ পূর্বক ডনবর সাহেব প্রতিমাসে অধিক মোকদ্দমা নিষ্পত্তি করিতে লাগিলেন।

তৎকালে সদর দেওয়ানিতে যে সকল জজ ছিলেন, তন্মধ্যে জে, আর, কলবিন সাহেবই সর্বাপেক্ষা কার্যদক্ষ ছিলেন। তাঁহার এতদূরাসেই প্রতিমাসে অধিক মোকদ্দমা নিষ্পত্তি হইত। তিনি ডনবর সাহেবকে কোন কোন মাসে তদপেক্ষা বহুসংখ্যক মোকদ্দমা নিষ্পত্তি করিতে দেখিয়া চমৎকৃত হইলেন। একদিন তাহার কারণ অহুসন্ধান করিবার জন্য ডনবর সাহেবের চেম্বারে উপস্থিত হইলেন। শ্যামাচরণ বাবুও তখন তথায় বর্তমান ছিলেন। ডনবর সাহেব মোকদ্দমা শীঘ্র নিষ্পত্তির নিদর্শনস্বরূপ শ্যামাচরণ বাবুর কৃত নথীর তরজমা সকল কলবিন সাহেবের হস্তে অর্পণ করিলেন এবং তাহার সঙ্গে সঙ্গেই শ্যামাচরণ বাবুর যোগ্যতা ও কার্যদক্ষতারও সবিশেষ পরিচয় প্রদান করিলেন। তদবধি সার রবার্ট বার্নলো এবং কলবিন সাহেবও কোন কোন মোকদ্দমা শ্যামাচরণ বাবুর দ্বারা অহুবাদ করাইয়া লইতেন। ইহাতে কলবিন সাহেব বিশেষ কার্য-সুবিধা দেখিয়া তৎকালীন গবর্নর জেনরল বাহাদুর লর্ড ডেলহাউসী সাহেবের নিকট যাইয়া এই সমুদায় বৃত্তান্ত অবগত করিলেন এবং শ্যামাচরণ বাবুর বিদ্যা-বুদ্ধির পরিচয় দিয়া বলিলেন, যে প্রস্তাবিত

নিয়মে কার্য হইলে বিচারক-সংখ্যা অনায়াসেই কমাইতে পারা যাইবেক। কার্য-কুশল গবর্ণর জেনরল বাহাদুর, কলবিন সাহেবের প্রস্তাবে আগ্রহের সহিত অনুমোদন করত তাঁহাকে এই আদেশ দিলেন, যে শ্যামাচরণ বাবুকে মাসিক ৪০০ চারি শত টাকা বেতনে প্রধান অনুবাদক-পদে নিযুক্ত করিবেন।

শ্যামাচরণ বাবু এইরূপে স্বীয় বিদ্যা-বুদ্ধি-প্রভাবে সদর দেওয়ানী আদালতে এই অভিনব পদের সমুদ্ভাবক হইয়া আপনাই ২৫০ খৃষ্টাব্দে প্রধান অনুবাদকের-পদে নিযুক্ত হইলেন। অনতিকাল-বিলম্বেই শ্রীযুক্ত বাবু নারায়ণচন্দ্র মুখোপাধ্যায়কে বাঙ্গালা হইতে ইংরাজীতে এবং শ্রীযুক্ত বাবু রামগোপাল ঘোষকে পারসী হইতে ইংরাজীতে অনুবাদ করিবার জন্য সহকারী প্রাপ্ত হইয়াছিলেন। প্রথম ব্যক্তির বেতন ১০০ এক শত, দ্বিতীয় ব্যক্তির ১৫০ শত মুদ্রা অবধারিত হইল। এই অবধি প্রত্যেক জেলা জজের আপিষে সেরেস্তাদার এবং পেশকারের মধ্যে এক জনের পদ রহিত করিয়া, তৎপদে এক একজন অনুবাদক নিযুক্ত করিবার আদেশ হইল।

ঈশ্বর-প্রসাদে স্বীয় বিদ্যা-বুদ্ধি বলে শ্যামাচরণ বাবু সংসার-সঙ্কট হইতে ক্রমে ক্রমে উত্তীর্ণ হইয়া মাসিক ৪০০ চারি শত টাকা বেতন পাইতে লাগিলেন। তাহাতে তাঁহার হৃদয় সর্ব-মঙ্গল-দাতা পরমেশ্বরের প্রতি কৃতজ্ঞতা-ভারে অবনত হইয়া পড়িল। তদবধি তিনি ঈশ্বরের প্রিয়-কার্য সাধন-উদ্দেশে প্রতি রবিবারে উপস্থিত ভিক্ষুকদিগকে এক এক কুনিকা করিয়া তণ্ডুল দান করিতেন এবং গ্রামস্থ অসহায় বালকদিগকে ও ভিন্ন পল্লীস্থ নিরাশ্রয় স্বজন-সন্তান সকলকে অন্ন-বস্ত্র ও বিদ্যালয়ের বেতনাদি দিয়া লেখা পড়া শিখাইতেন।

এইরূপে ভিক্ষুকসংখ্যা বর্দ্ধিত হওয়াতে তাঁহাকে প্রতি রবি-

বার ১০ দশ টাকা মূল্যের তুলা বিতরণ করিতে হইত। বিদ্যার্থী সংখ্যাও বিংশতি জন হইয়া উঠিল। শ্যামাচরণ বাবু প্রীতি-প্রফুল্ল-হৃদয়ে অবিরক্ত চিন্তে অন্ন-বস্ত্র ও বিদ্যা-দান দ্বারা ঈশ্বরের প্রিয়-কার্য সাধন করিতে লাগিলেন।

তাহার কিয়ৎকাল পরে (১৮৫৭ খৃঃ অব্দ) সুপ্রিমকোর্টের প্রধান ইন্টার প্রিটার এভিয়েট সাহেব পেনশন গ্রহণ করাতে সেই পদ শূন্য হইল। তখন স্যার জেমস কলবিল সাহেব সুপ্রিমকোর্টের প্রধানতম বিচারপতি ছিলেন। শ্যামাচরণ বাবু এই সংবাদ প্রাপ্ত হইয়া বাবু প্রসন্নকুমার ঠাকুর মহাশয় দ্বারা এই অনুসন্ধান লইলেন, যে বাঙ্গালিকে তৎপদে নিযুক্ত করিবার গবর্ণমেন্টের কোন আপত্তি নাই। অনেকেই সেই পদ-লাভের জন্ত প্রার্থী হইয়াছিলেন। কিন্তু কলবিল সাহেব, প্রসন্নকুমার বাবুকে বলিলেন, যিনি পরীক্ষার উত্তম রূপে উত্তীর্ণ হইবেন তাঁহাকেই উক্ত পদে নিযুক্ত করা যাইবে। প্রসন্নকুমার বাবু এই উপলক্ষে শ্যামাচরণ বাবুর যোগ্যতা সম্বন্ধে প্রধানতম বিচারপতি মহাশয়কে অনেক বলিয়াছিলেন। শ্যামাচরণ বাবুও উক্ত পদ প্রাপ্তির জন্ত আবেদন করেন। সর্বশুদ্ধ দ্বাদশ জন কর্ম-প্রার্থী উপস্থিত হন। তন্মধ্যে অনেক গুলিই ইংরাজ ছিলেন। পরীক্ষা-প্রদানকালে শ্যামাচরণ বাবুই পরীক্ষোত্তীর্ণ হইলেন। তখন কলবিল সাহেব এই কথা বলিলেন, যে চরিত্রসম্বন্ধে সন্তোষজনক প্রতিষ্ঠা পত্র প্রদান না করিলে উকিল কাউন্সলী প্রভৃতি আপত্তি উপস্থিত করিতে পারেন। অতএব সদর দেওয়ানীর বিচারপতিগণ এবং কলিকাতার মধ্যে রাজা রাধাকান্ত দেব, বাবুরমাপ্রসাদ রায়, এবং বাবু প্রসন্নকুমার ঠাকুর ও বাবু রামগোপাল ঘোষ মহাশয়গণ যদি শ্যামাচরণ বাবুর চরিত্র সম্বন্ধে প্রতিষ্ঠা-পত্র প্রদান করেন, তাহা হইলে তাঁহাকে তৎপদে নিযুক্ত করিতে কোন প্রতিবন্ধকতা থাকিবে না। তাহাতে সদর

দেওয়ানীর সমুদায় বিচারপতি একবাক্যে তাঁহার চরিত্র ও যোগ্যতা বিষয়ে প্রতিষ্ঠা-পত্র* প্রদান করিলেন। রাজা রাধাকান্ত দেব বাহাদুর তদ্বিষয়ে কলবিল সাহেবকে পত্র লিখিলেন, এবং প্রসন্নকুমার বাবু, রমাপ্রসাদ বাবু ও রামগোপাল বাবু স্বয়ং উপস্থিত হইয়া প্রধানতম বিচারপতি মহাশয়ের সন্নিধানে শ্যামাচরণ বাবুর চরিত্রসম্বন্ধে পরিচয় প্রদান করেন।

তখন বিচার-পতি মহাশয়, সকল আপত্তি খণ্ডন পূর্বক মাসিক ৬০০ ছয় শত টাকা বেতনে শ্যামাচরণ বাবুকে চিফ ইন্টারপ্রিটার অর্থাৎ প্রধান দ্বিভাষীর কার্যে নিযুক্ত করিলেন। বাদ্গালির মধ্যে শ্যামাচরণ বাবুই এই পদে প্রথম নিযুক্ত হইয়া স্বদেশ ও স্বজাতির মুখ উজ্জ্বল করেন। তাঁহার অবলম্বিত কার্য ব্যতিরেকে, যখন তিনি কলিকাতার-মধ্যে কাহারও কোন জবানবন্দী লইতে যাইবেন, তখন তিনি প্রত্যেক বারে দুই মোহর করিয়া কমিসন পাইবেন, ইহারও আদেশ প্রদত্ত হইল।

এইরূপে ১৮৫৭ খৃষ্টাব্দের জুলাই মাসে যে দিন তিনি চিফ ইন্টার-প্রিটার পদে নিযুক্ত হইয়া আদালতে উপস্থিত হইয়াছিলেন, সেই দিনই বিচারালয়ে একটা ইহুদীর মোকদ্দমা পেষ হইল। ঐ ইহুদী, পারসী ও আরবী ভাষা ভিন্ন অল্প ভাষায় স্বীয় বক্তব্য বিষয় বলিতে অশক্ত এবং যিনি ইন্টারপ্রিটারী কার্য-সাধন জন্ত তথায় উপস্থিত ছিলেন, তিনি প্রাপ্ত ভাষা দ্বয়ে কথা কহিতে যে অপারগ, তাহা বিচার-পতিকে জানাইলেন। তখন চিফ ইন্টারপ্রিটার শ্যামাচরণ বাবুকে প্রধান বিচার-পতি, ইন্টারপ্রিটারী করিতে আহ্বান করিলেন। তদনুসারে শ্যামাচরণ বাবু অকুতোভয়ে ইহুদীর সহিত বিতর্ক

* পরিশিষ্টে প্রতিষ্ঠা-পত্র গুলির প্রতিলিপি প্রকাশ করা হইয়াছে।

পারসী ভাষায় কথোপকথন করিয়া তাঁহার বক্তব্য বিষয় বিশদরূপে বিচারপতিকে অগ্নান বদনে ইংরাজীতে বলিতে লাগিলেন। এই রূপে সে দিন তিন চারি ঘণ্টাকাল স্বীয় কর্তব্য কার্য সুন্দররূপে নির্বাহ করিয়া বিচারপতি এবং উভয় পক্ষীয় উকীল কাউন্সলী ও প্রোভবর্গের তুষ্টিসাধন করত সকলেরই নিকটে প্রতিষ্ঠালাভ করিলেন।

শ্রামাচরণ বাবু এমনই তেজস্বী ও শিক্ষিত ভাষা-সমূহে এ রূপ সুনিপুণ ছিলেন, যে এক দিন একটা মোকদ্দমায় এক-পক্ষের বক্তব্য বিষয়, আরবী ভাষা হইতে ইংরাজীতে বিচারপতিকে বলিতেছিলেন; এমনত সময়ে অপর-পক্ষীয় জনৈক সম্ভ্রান্ত কৌন্সলী জজকে বলিলেন যে, ‘শ্রামাচরণ বাবু আরবী-শব্দের অর্থান্তর করিতেছেন।’ তাহাতে জজ-সাহেব তখনই তাঁহাকে কৌন্সলীর প্রতিবাদটী বুঝাইয়া দিলেন। শ্রামাচরণ বাবু উত্তর করিলেন, যে ‘আমি যাহা বলিতেছি, তাহাই প্রকৃত অর্থ।’ কৌন্সলী বলিলেন ‘আমি ঐহার নিকট শিক্ষা করি, তিনি একজন আরবী ভাষায় সুশিক্ষিত মৌলবী। আমি তাঁহার নিকট ঐ শব্দের বিভিন্ন অর্থ শিক্ষা পাইয়াছি।’ শ্রামাচরণ বাবু জজ সাহেবের দ্বারা, কৌন্সলীর নিকট হইতে মৌলবীর নাম অবগত হইবার প্রার্থনা করিয়া তাঁহার নাম শ্রবণ পূর্বক সদর্পে উত্তর করিলেন যে ‘তিনি আমার ছাত্রের ছাত্র।’ এই উপলক্ষে বহু তর্কবিতর্কের পর, কৌন্সলীর প্রার্থনায়, উক্ত বাক্যের যথার্থ সপ্রমাণ করিবার জন্য বিচার্য বিষয় সে দিবসের জন্য স্থগিত রহিল। তৎপর দিবসে কৌন্সলী সাহেব, আপনার ভ্রম-প্রমাদ অবগত হইয়া প্রকাশ্যে বিচারালয় মধ্যে আত্ম-দোষ স্বীকার করত শ্রামাচরণ বাবুর নিকট ক্ষমা চাহিয়া-ছিলেন। ঐদৃশ ঘটনা মধ্যে মধ্যে সংঘটিত হইত, কিন্তু শ্রামাচরণ বাবু কোন বারেই অপদস্থ হইতেন নাই।

১৮৫৭ খৃষ্টাব্দের জুলাই মাসে উল্লিখিত উক্ত পদ গ্রাপ্ত হইয়া ১৮৭৩ খৃষ্টাব্দের জাহুয়ারী মাস পর্য্যন্ত সসম্মত উক্তকার্য্য সুসম্পাদন করিয়াছিলেন। এক দিনের জন্তও কি বাদী প্রতিবাদী, কি উকীল কৌশলী, কি বিচারপতিগণ, কি তাঁহার অধীনস্থ কর্মচারীবর্গ কেহই কোন কারণে তাঁহার যোগ্যতা বা চরিত্র সম্বন্ধে বিন্দুমাত্রও দোষা-রোপ করিতে পারেন নাই। প্রত্যুত সকলেরই শ্রদ্ধা ভক্তি, প্রীতি ও অহুরাগ-ভাজন হইয়া, স্বদেশ ও স্বজাতির এবং স্বীয় বংশের সুখোচ্ছল করত ১৮৭৩ খৃষ্টাব্দের জাহুয়ারী মাসে অর্দ্ধ পেনশন্ ৩০০ টাকা গ্রহণ করিয়া বিধয়-কার্য্য হইতে অবসর গ্রহণ করিলেন।

শ্যামাচরণ বাবুর চরিত্র ও যোগ্যতা সম্বন্ধে সদর দেওয়ানী ও সুপ্রিমকোর্টের বিচারপতিগণ এবং প্রধানতম কৌশলী প্রভৃতি যে সকল প্রতিষ্ঠা-পত্র প্রদান করিয়াছিলেন ; পরিশিষ্টে তৎসমূহ অবিকল প্রকাশিত হইল। পাঠকবর্গ তৎপাঠেই তাহার সত্যতা উপলব্ধি করিতে সহজেই সমর্থ হইবেন।

যখন তিনি সদর দেওয়ানী হইতে সুপ্রিমকোর্টে ৬০০ ছয় শত টাকা বেতনে চিফ ইন্টারপ্রিটর পদে নিযুক্ত হইয়াছিলেন, অর্থাৎ যখন তাঁহার ৪০০ হইতে ছয় শত টাকা মাসিক অর্থাগম হইয়াছিল, সেই সময় হইতেই স্বীয় নিবাস-ভূমি মামজোরানি গ্রামে মাসিক একশত টাকা ব্যয় স্বীকার করত একটা ইংরাজি-বান্দালা-বিদ্যালয় প্রতিষ্ঠা করেন। যতদিন না গবর্ণমেন্ট-সাহায্য গৃহীত হইয়াছিল, ততদিন শুদ্ধ কেবল তাঁহারই ব্যয়ে তত্ত্ব্যত বালকেরা বিনা বেতনে সেই বিদ্যালয়ে শিক্ষা-লাভ করিত। তৎপরে তিনি মাসিক ৮৫ টাকা সাহায্যদানে স্বীকৃত হইয়া গবর্ণমেন্ট হইতে মাসিক ৪০ টাকা সাহায্য গ্রহণ করত বিদ্যা-লয়টা চালাইতে লাগিলেন। সেই বিদ্যালয় হইতে অনেক ছাত্র যথারীতি জ্ঞান-লাভ করিয়া এখন কর্ম-ক্ষেত্রে উন্নতি-লাভ পূর্ব্বক

শ্যামাচরণ বাবুর যশোকার্ত্তি বিস্তারের সঙ্গে সঙ্গেই তাঁহার অর্থ ব্যয়ের সার্থকতা প্রদর্শন করিতেছেন।

হুঃখের বিষয় এই, শ্যামাচরণ বাবু পেন্সন গ্রহণ করাতে তাঁহার অর্থাগম অল্প হইয়া পড়িল। সুতরাং বিদ্যালয়ে পূর্ববৎ সাহায্য দানে অসমর্থ হওয়াতে বিদ্যালয়টি উঠিয়া গেল। বিদ্যালয়টি অকালে কাল-কবলে নিপতিত হইবার সময়, যে ছয়টি ছাত্র বিশ্ব-বিদ্যালয়ের প্রবেশিকা-পরীক্ষায় অসম্পূর্ণ শিক্ষা লাভ করিয়া ছিল, তাহারদিগকে তিনি স্বয়ং বেতন দিয়া পরীক্ষাকাল পর্য্যন্ত অন্যত্র পড়াইয়াছিলেন।

• শ্যামাচরণ বাবুর দান-ক্রিয়া কেবল স্বদেশ মধ্যেই আবদ্ধ ছিল না। একদা বেহালার কতিপয় যুবাণুরুষ একটা বঙ্গ-বিদ্যালয় স্থাপন করত তাঁহার নিকটে মাসিক সাহায্য প্রার্থনায় উপস্থিত হইলে তিনি আহ্লাদ সহকারে তাঁহারদের প্রার্থনা বাক্য শ্রবণ করিয়া মাসিক নিয়মে অবাধে ১৮৬৪ খৃষ্টাব্দের ১৫ আগষ্ট হইতে তাঁহার পেনশন গ্রহণের পূর্বদময় পর্য্যন্ত সাহায্য করিয়াছিলেন। পেনশন গ্রহণের সঙ্গে সঙ্গেই তাহা স্থগিত হইয়া ছিল। তন্নিম্ন আর কয়েকটা বিদ্যালয়ে, ডিষ্ট্রিক্ট-চেরিটেবল সোসাইটিতে ও কাথলিক খৃষ্টানদিগের অনাথ-নিবাস প্রভৃতিতেও নিয়মিতরূপে মৃত্যুকাল পর্য্যন্ত দান করিয়াছিলেন। মামজোরানি গ্রামে তাঁহার প্রতিষ্ঠিত ও পোষিত বিদ্যালয়টি উঠিয়া যাইবার পর, উক্ত গ্রামে যে অভিনব বিদ্যালয় স্থাপিত হইয়াছে, তিনি তাহার জন্য একটা প্রশস্ত ইষ্টকালয় অর্পণ করত মাসিক দশ টাকা সাহায্য করিয়া আসিতেছিলেন।

শ্যামাচরণ বাবুর আয় সংক্ষেপ হইয়া গেলেও দুইটা স্বদেশীয় বিদ্যার্থীকে বেতন দিয়া পড়াইতে ছিলেন এবং কয়েকটা আত্মীয়কে তাঁহার ভালতলার বাসায় রাখিয়া অন্নদান করিতেন। মৃত্যুকাল পর্য্যন্তও মাসিক ১০।১২ টাকা ব্যয় করিয়া স্বদেশে কয়েকটা নিরু-

পায় ব্রাহ্মণ-কন্ডাকে প্রতিপালন করিতে পরাধুখ হন নাই। প্রতি রবিবারে উপস্থিত ভিক্ষুকদিগকে এক একটা পয়সা দান করিতেন। এইরূপে তাঁহার তিন শত টাকা বৃত্তি হইতে মাসিক দাতব্য প্রায় শত মুদ্রা, এবং দুর্গোৎসব সময়ে ব্রাহ্মণ পণ্ডিতাদির বার্ষিক দান প্রায় ২৫০ শত টাকা অবধারিত ছিল।

শ্যামাচরণ বাবুতো একজন সদালাপী, শাস্ত প্রকৃতি, সরল-স্বভাব বলিয়া প্রসিদ্ধই ছিলেন। তাঁহার নিকটে গমন করিলে সকলকেই সম্ভষ্ট ও সিদ্ধ-মনোরথ হইয়া আসিতে হইত। তাঁহার অপরাপর সদৃশ্যের মধ্যে তিনি একজন বিখ্যাত কুটুম্ব-প্রতিপালক ছিলেন। কোন আত্মীয় কুটুম্ব দেখা করিতে গেলে, আগ্রহের সহিত তিনি সকল বিষয় জিজ্ঞাসা করিয়া তাহার হুঃখে হুঃখ, সুখে সম্ভোষ-ভাব প্রকাশ করিতেন এবং অবস্থা বিশেষে যথোচিত সাহায্য করিতেন।

শ্যামাচরণ বাবু যদিও রাজ-সেবা হইতে অবসর গ্রহণ করিয়াছিলেন কিন্তু তিনি স্বদেশ ও স্বজাতির সেবাতে মৃত্যুকাল পর্য্যন্ত গাঢ়-রূপে নিবৃত্ত থাকিতেন। সমস্ত দিন বেতন-ভুক কর্মচারী অপেক্ষাও অধিকতর পরিশ্রম করিয়া গ্রন্থাদি রচনা করিতেন। তাঁহার অবকাশ কাল অতি অল্প ছিল। সর্বদাই অধ্যয়নে, না হয়, গ্রন্থ প্রণয়নে কিম্বা মুন্সী-মৌলবী ও পণ্ডিত অধ্যাপকদিগের সহিত ধর্মতত্ত্ব ও দায়তত্ত্ব সমালোচনায় তিনি কালাতিপাত করিতেন। এই জীবন-চরিত লেখক প্রায় তিন মাসকাল তাঁহার প্রবাস-নিকেতনের অনতিদূরে থাকিয়াও তাঁহার সহিত বাক্যালাপ করিবার প্রচুর সময় প্রাপ্ত হইতেন না। মধ্যাহ্ন কালে কোন কোন দিন তাঁহার অবকাশ পাইতেন। তদুপলক্ষে তাঁহার সদৃশ্যের পরিচয় পাইয়া এবং তাঁহার ঈশ্বর-প্রেমের নিদর্শন সন্দর্শন করিয়া এই সাধু-চরিত লিখিতে তাঁহার প্রবৃত্তি জন্মে।

শ্যামাচরণ বাবু পেন্‌শন্ পাইয়াও নিশ্চিত বা নিরবকাশ ছিলেন না। যিনি বাল্য জীবন হইতে উৎকট পরিশ্রম করিয়া আসিয়াছেন, যিনি অপ্রতিহত উৎসাহ সহকারে সংসারের দুলভ্য বাধা বিঘ্ন অতিক্রম করিয়া ওয়াটগঞ্জের রিড সাহেবের নিকট ১০ দশ টাকা বেতনে মুহুরীগিরি হইতে বঙ্গের প্রধানতম বিচারালয়ে তৎকালের উচ্চতর পদে অধিরূঢ় হইয়াছিলেন; রাজ-বৃত্তি-ভোগী হইয়া আসনো কালাতিপাত করা কি তাঁহার পক্ষে সম্ভব-পর হইতে পারে? তিনি রাজ-দ্বারে অবকাশ লইতে নষ্ট লইতেই, সুপ্রসিদ্ধ রাজনীতিজ্ঞ স্বর্গগত মহাত্মা প্রসন্নকুমার ঠাকুর মহাশয়ের এস্টেট ফণ্ড হইতে ১৮৭৩ খৃষ্টাব্দে রাজ-নীতি বিষয়ক উপদেষ্টা পদে নিযুক্ত হইয়াছিলেন। রাজ-সেবার বার্ষিক ৭,২০০ শত টাকা নির্দিষ্ট বেতন পাইতেন, উপস্থিত কার্যে তাঁহার বার্ষিক বেতন দশ সহস্র মুদ্রা অবধারিত হইল। পূর্বে পূর্বে এই পদে ইয়ুরোপীয় কারিষ্টারগণই নিযুক্ত হইতেন, এক্ষণে তাঁহাকে তাঁহারদের প্রতিদ্বন্দ্বী হইয়া কার্য-সম্পন্ন করিতে হইয়াছিল। ইহাতে তাঁহার দূরদর্শিতা, রাজনীতিজ্ঞতা যে কেমন জাজ্জল্যতররূপে প্রদর্শিত হইয়াছিল, তাহা তাঁহার মহম্মদীয় দায়াধিকার গ্রহ পাঠে সহজে সকলেরই সুস্পষ্টরূপে জ্জদয়ঙ্গম হইতে পারে। প্রথমে তিনি এক বৎসরের জন্য উক্ত পদে নিযুক্ত হন, কিন্তু বক্তব্য বিষয় শেষ হইয়া হওয়াতে অধ্যক্ষগণ তাঁহার কার্যপটুতা সন্দর্শনে তাঁহার কার্যকাল আর এক বৎসর বর্দ্ধিত করিয়া দিয়াছিলেন। প্রাপ্তকৃত বিষয়-কার্য উপলক্ষে তিনি মুসলমান দায়াধিকার সকল যে প্রকার বিশদরূপে উপদেশ দিয়া গ্রহাকারে প্রকাশ করিয়া গিয়াছেন, তৎপাঠে মুসলমান সমাজের প্রধানতম কাজি, মোলবী বা ইমামগণকে তাঁহার সন্নিধানে ভূরি-দর্শন বিষয়ে পরাভব স্বীকার করিতে হইয়াছে। ইহা ভারতের সামান্য সৌভাগ্য—বঙ্গের অল্প স্পর্ধার বিষয় নহে!

চতুর্থ অধ্যায় ।

গ্রন্থ-প্রণয়ন ।

শ্যামাচরণ বাবু কেবল মাত্র কতকগুলি ভাষা শিক্ষা ও তাহার সঙ্গে সঙ্গে উচ্চ-পদ লাভ করিয়াই যে, লোক-সমাজে লব্ধ-প্রতিষ্ঠ হইয়াছিলেন, তাহা নহে। তিনি অনেকগুলি নিতান্ত প্রয়োজনীয় এবং একান্ত আবশ্যকীয়-গ্রন্থ প্রণয়ন করত বিদেশীয় ও স্বদেশীয় জনগণের অসম্ভাবিত উপকার সাধন করিয়া গিয়াছেন। তাঁহার প্রণীত গ্রন্থ-সমূহের মধ্যে “ইন্ট্রডাক্সন টু দি বেঙ্গলী ল্যাঙ্গুয়েজ,” অর্থাৎ ইংরাজি-বাঙ্গালা ব্যাকরণ এবং বাঙ্গালা ব্যাকরণ, ব্যবস্থা-দর্পণ, ব্যবস্থা-চক্রিকা, “ঠাকুর ল লেক্চর অন মেহমিডান ল” (অর্থাৎ মহম্মদীয় সিয়া ও সুনী সম্প্রদায়ের স্বতন্ত্র ব্যবহার শাস্ত্র) পাঠ্যসার ও নীতি-দর্শন এবং (সিরাজিয়া) মেকনাটন ও এলবারলিং সাহেব কৃত মহম্মদীয় ব্যবস্থা শাস্ত্রের তাৎপর্য সংগ্রহের উপরে তাঁহার টীকা টিপ্পনী ও স্বাভিপ্রায় সম্বলিত নুতন সংস্করণ “সিরাজিয়া” নামক গ্রন্থ, এই গুলিই প্রসিদ্ধ।

কলিকাতা ‘ফোর্ট উইলিয়ম কালেজে’ যে সকল সিবিলিয়ানকে দেশীয় ভাষা শিক্ষা করিতে হইত, তাঁহারদিগের তৎকালে সহজে বঙ্গ-ভাষা শিক্ষার উপযোগী বিশেষ ফল-প্রসূ ব্যাকরণ ছিল না। শ্যামাচরণ বাবু যৎকালে পারসী, উর্দু, হিন্দী এবং বঙ্গ-ভাষায় ব্যুৎপন্ন হইয়া সিবিলিয়ানদিগকে উল্লিখিত ভাষা-চতুষ্টয়ে শিক্ষাদান করিতেন, তৎকালে উক্ত কালেজের সম্পাদক মেজর্ মার্বেল সাহেব, তাঁহাকে বঙ্গ-ভাষার ও তন্মধ্যে যে সকল বিজাতীয় ভাষার শব্দ সন্নিবেশিত হইয়াছে, বাহাতে সহজে উক্ত কালেজের ছাত্রগণের জঘিবয়ে ব্যুৎপত্তি লাভ হইতে পারে, এমন একখানি সর্ব্বাঙ্গ-

সুন্দর ব্যাকরণ প্রণয়ন করিতে অস্বরোধ করেন। তদনুসাবে শ্যামা-চরণ বাবু প্রথমোক্ত গ্রন্থ খানি ইংরাজী বাঙ্গালায় রচনা করিয়াছিলেন। তাহা সিভিলিয়নদিগের দেশীয় ভাষা-শিক্ষার বিশেষ উপযোগী হওয়াতে গবর্ণমেন্ট তাহার কতকগুলি গ্রন্থ লইয়া, শ্যামা-চরণ বাবুকে সমস্ত মুদ্রা প্রদান করেন। উক্ত গ্রন্থ খানি এখনও ইংলণ্ডে ও এতদেশীয় ভাষা-শিক্ষার্থী ইংরাজদিগের মধ্যে ব্যবহৃত হইতেছে।

তদনন্তর অনরেল ডিক্‌ওয়াটার বেথুন সাহেবের অস্বরোধক্রমে তিনি উক্ত গ্রন্থের কোন কোন অংশ পরিত্যাগ ও পরিবর্তনাদি করিয়া দেশীয় ভাষা শিক্ষার জন্য বঙ্গ ভাষায় ‘বাঙ্গালা ব্যাকরণ’ নাম দিয়া দ্বিতীয় পুস্তক খানি প্রকাশ করিয়াছিলেন। ইহার দ্বারা তৎকালের ভাষা শিক্ষা বিষয়ে বিশেষ উপকার সংসাধিত হইয়াছিল।

বহুকালাবধি দায়াধিকার লইয়া বিচারালয়ে, দেশীয় পণ্ডিতগণের নানা প্রকার মতামত-জ্ঞানিত যে অনেক অবিচার ও অত্যাচার হইয়া গিয়াছে, তাহা অনেকেই বিদিত আছেন। বিচারপতিগণ অত্যন্ত কার্যকুশল ও বিচারক্ষম হইলেও তাঁহাদিগকে আৰ্য্যজাতির দায়া-ধিকার বিষয়ে তাঁহারদিগের সহযোগী স্মৃতি শাস্ত্রবিদ পণ্ডিতগণের মুখাপেক্ষী হইয়া থাকিতে হইত। অর্থী প্রত্যর্থীগণ ধনাঢ্য হইলে স্ব স্ব পক্ষ সমর্থন জন্ত বিচার সময়ে অনেকানেক পণ্ডিতগণের শাস্ত্রীয় ব্যবস্থা প্রদর্শন করিতেন; তদ্বিষয় মীমাংসা জন্য অনেক সময় অভিবাহিত হইলেও স্থল বিশেষে সুবিচার পক্ষে অনেক গোলযোগ হইয়া গিয়াছে। কোন উচ্চ আদালতের তাদৃশ ভ্রাম্যক বিচার-নিষ্পত্তি, আবার অপর বিচারালয়ে প্রমাণ-স্বরূপ প্রদর্শিত হওয়াতে প্রকৃত বিচার-প্রার্থীদিগের অনিষ্ট অপকারের আর ইয়ত্তা থাকিত না। তদদর্শনে ১৮৫০ খৃষ্টাব্দে সদর দেওয়ানী আদালতের প্রধান বিচারপতি জন, রসেল, কল্বিন সাহেব, শ্যামাচরণ বাবুকে বহু-ভাষাজ্ঞ পণ্ডিত

জানিয়া তাঁহাকে হিন্দু-জাতির দায়াধিকার-ব্যবস্থা সঙ্কলন করিয়া বঙ্গ-দেশের জন্য বাঙ্গালা, সংস্কৃত ও ইংরাজীতে এবং উত্তর-পশ্চিমাঞ্চলের নিমিত্ত উর্দু, সংস্কৃত ও ইংরাজী ভাষায় দুই-খানি পুস্তক প্রকাশ করিবার প্রস্তাব করেন। শ্যামাচরণ বাবু এতদ্ উপলক্ষে আদালতের আমলা হইয়াও, একজন অদ্বিতীয় স্মৃতি-শাস্ত্রবিদ পণ্ডিত রূপে সমগ্র ভারতবর্ষ মধ্যে প্রতিপন্ন হইলেন। তিনি স্মৃতি-শাস্ত্র-বিশারদ পণ্ডিত ভারতচন্দ্র শিরোমণি মহাশয়ের নিকট স্মৃতি-শাস্ত্র এবং মাত্রাসা কালেক্টরের প্রধান অধ্যাপক মৌলবী মহম্মদ উজির সন্নিধানে মুসলমান-দিগের ব্যবস্থা-গ্রন্থ অধ্যয়ন করিয়াছিলেন। তৎপরে আত্ম-চেষ্টি দ্বারা দুই জাতির বহুবিধ ব্যবস্থা-শাস্ত্র এবং সদর দেওয়ানী আদালতের অসংখ্য নজীর পাঠ করিয়া, যেরূপ সুনিয়ম ও স্তম্ভালাপূর্বক 'ব্যবস্থা-দর্পণ' ও 'ব্যবস্থা-চন্দ্রিকা' প্রণয়ন করিয়াছিলেন তাহা পাঠ করিলে, তাঁহার শাস্ত্র-দর্শন, বিচার শক্তি এবং এতদেশীয় রাজ-বিধি-সমূহে অসামান্য অভিজ্ঞতা সন্দর্শন করিয়া বিস্মিত ও চমৎকৃত হইতে হয়।

শ্যামাচরণ বাবুর বিদ্যা-বুদ্ধি, দান-ধর্ম ও সংকার্য-কলাপের যদি আর কোন নিদর্শনই না থাকিত, তাহা হইলেও 'ব্যবস্থা-দর্পণ ও ব্যবস্থা-চন্দ্রিকা' তাঁহার নিগূঢ় শাস্ত্র-জ্ঞান, গভীর-চিন্তা, তীক্ষ্ণ-বুদ্ধি, ভূরি-দর্শন, অতুলন স্মৃতি-শক্তি ও অল্পম মীমাংসা-সামর্থ্য প্রভৃতির পরিচয় প্রদান করিত, তাহার আর সন্দেহ নাই। তাঁহার ব্যবস্থা-দর্পণ' উচ্চ-শ্রেণীর ওকালতী-পরীক্ষায় পাঠ্য-পুস্তক এবং ইংলণ্ডের 'প্রিভি-কাউন্সলে ও ব্রিটিশ-অধিকৃত ভারতবর্ষের উচ্চতম বিচারালয়ে সপ্রমাণিত হিন্দু-বিধি বলিয়া পরিগৃহীত হইয়াছে।

হিন্দুদিগের অপেক্ষা যে মুসলমান-সমাজের দায়াধিকার-ব্যবস্থা অতীব জটিল ও নিতান্ত বিভিন্ন ; তাহা সকলেই বিশেষ রূপে অবগত আছেন। শ্যামাচরণ বাবু, ১৮৭৩।৭৪ খৃষ্টাব্দে পরলোকগত

প্রসন্নকুমার ঠাকুর মহাশয়ের আইন-অধ্যাপক নিযুক্ত থাকিয়া, পর্যায়ক্রমে মুসলমানদিগের স্ত্রীওসিয়া ছই সম্প্রদায়ের দায়াদিকার-বিধি যেরূপ বিশদ রূপে তন্ন তন্ন করিয়া উপদেশ দিয়াছিলেন এবং পরে তাহা যে প্রকার অসামান্য নৈপুণ্য-সহকারে অশূদ্ধা-পূর্বক পৃথক-রূপে গ্রন্থ-বদ্ধ করিয়া গিয়াছেন, তৎপাঠে কৃতবিদ্য হিন্দু বা ইংরাজ-দিগের কণা দূরে থাকুক, মুসলমান মৌলবী, মুক্তি, কাজী, ও ইমাম প্রভৃতি চমৎকৃত ও বিন্মিত হইয়াছেন। শ্যামাচরণ বাবুর 'ব্যবস্থা-দর্পণ' দ্বারা যেমন বঙ্গ-সমাজের এবং ব্যবস্থা-চক্ষিকান দ্বারা কান্দী, মিথিলা, দ্রাবিড়-সমাজের দায়াদিকার-বিতণ্ডা প্রশমিত হইয়াছে, তেমনি মুসলমানদিগের দায়াদিকার-বিধি সঙ্কলন করিয়া গ্রন্থাকারে প্রকাশ করাতে সাধারণ মুসলমান-সমাজের মধ্যহইতেও দায়-ঘটিত বিবাদ 'বিসংবাদ মন্দীভূত' হইয়া পড়িয়াছে। শ্যামাচরণ বাবু কৃত—'মেহামিডান ল' নামক উক্ত গ্রন্থ দ্বয় যেমন মুসলমান সমাজে, তেমতি বিচারালয়ে এবং উকিল কৌশলীদিগের মধ্যেও প্রমাণিত গ্রন্থ রূপে ব্যবহৃত হইতেছে। মুসলমানদিগের দায়ভাগ শাস্ত্রে তাঁহার এমনই অসদৃশ দর্শন ছিল, যে মৌলবী, কাজী ও মুক্তি প্রভৃতির তদ্বিষয়ে কোন সংশয় বা সন্দেহ উপস্থিত হইলে, তাঁহার শ্যামাচরণ বাবুর নিকটে আসিয়া তাহার মীমাংসা করিয়া জইয়া যাইতেন।

তাঁহার শেষ-জীবনে গবর্ণমেন্ট মনোনীত বুক কমিটির জনৈক মেম্বর ডাক্তার কানাইলাল দে রায় বাহাদুর মহাশয়ের অনুরোধে বিদ্যালয়ের ব্যবহার জন্য ছইখানি অসাম্প্রদায়িক ধর্ম-ভাব ও নীতি-জ্ঞান-পূর্ণ ঈশ্বর-প্রোমোভিভিক্ত পদ্য-গ্রন্থ রচনা করিয়াছিলেন। তাহাতে তাঁহার কোমল-হৃদয়ের সরলভাব, অটল ঈশ্বর-প্রেম, অসাম্প্রদায়িক ধর্ম-মত সুন্দররূপে বিবৃত হইয়াছে। পরিণামে বাদৃশ গ্রন্থ-রচনায় গ্রন্থকারগণ প্রবৃত্ত হইলে বিদ্যালয় হইতে নিরীশ্বর বিদ্যাশিক্ষা

অমিত ছরপণের 'কলঙ্ক ও অল্পপমের' অমিষ্টপাত বিদুরিত হইতে পারে, তিনি তাহার স্বরূপাত করিয়া গিয়াছেন। ভক্তিগ্ন তাঁহার বিরচিত অনেক কবিতা মুদ্রিত বা প্রকাশিত হয় নাই। সময়ক্রমে তৎসমূহের পাণ্ডুলিপি প্রাপ্ত হইলে প্রকাশ করিতে বঙ্গবান হইব। এতদতিরিক্ত তিনি জাতীয়-সভায়, পারিতোষিক বিতরণ উপলক্ষে অনেক বিদ্যালয়ে ও অপরাপর বহুবিধ সভা-স্থলে সময়ে সময়ে বে সকল সারগর্ভ বক্তৃতা করিয়াছিলেন, সাময়িক সংবাদ-পত্রিকাদিতে জুহার স্থূল বিবরণ সকল প্রকাশিত হইয়াছে।

শ্যামাচরণ বাবু পারসী, আরবী, উর্দু, হিন্দী, বাঙ্গালা, সংস্কৃত, ইংরাজী, লাতিন, ফরাসিস্, গ্রীক ও ইটালীয় এই একাদশটি ভাষা শিক্ষা করিয়াছিলেন; তন্মধ্যে প্রথম নয়টি ভাষায় তাঁহার লিখিবার পড়িবার এবং কথোপকথনাদি করিবার বিশেষ সামর্থ্য ছিল। তাঁহার ব্যবস্থা-দর্পণ ও ব্যবস্থা-চঞ্জিকা, মহম্মদীয় দায়াধিকার-গ্রন্থ এবং সিরাজিয়া নামক পুস্তকের শোধন ও সংস্করণাদিতেই তাহা বিশদ-রূপে প্রদর্শিত হইয়াছে। তিনি যে গদ্যপদ্য উভয়বিধ রচনাতেই সুপটু ছিলেন, প্রাপ্ত প্রহ্ন সকল, তাঁহার গদ্য এবং পাঠ্য-সার ও নীতি-দর্শন পুস্তকদ্বয় তাঁহার পদ্য রচনার সাক্ষ্য প্রদান করিতেছে।

সদর-দেওয়ানী আদালতের প্রধান-বিচারপতি মহাশয়ের প্রস্তা-বনায় যে বঙ্গ-দেশের জন্য ব্যবস্থা-দর্পণ ও উত্তর-পশ্চিমাঞ্চলের নিমিত্ত ব্যবস্থা-চঞ্জিকা প্রণয়ন করিয়াছিলেন, তন্মধ্যে ব্যবস্থা-দর্পণ-খানি বাঙ্গালা-সংস্কৃত এবং ইংরাজী-ভাষায় স্বতন্ত্র দুই-খণ্ডে সম্পন্ন করিয়া, যথাকালে দ্বিতীয়-সংস্করণ পর্যন্ত সমাধা করেন। তাহাও নিঃশেষিত হইবার উপক্রম হওয়াতে, আবার তিনি তাহার বাঙ্গালা-সংস্কৃত-ভাগটী সংশোধন ও পরিবর্দ্ধন করিয়া তৃতীয়-বার মুদ্রাক্ষনে প্রবৃত্ত হওত কয়েক অধ্যায় প্রকাশ করিতে করিতেই পরলোক-

যাত্রা করিয়াছেন। এখন যে তাহা সহজে তাঁহার ন্যায় কেহ অনুসরণ করিয়া তুলিতে পারেন, এরূপ বোধ হয় না।

ব্যবস্থা চম্ভিকা-খানি, অনেক দিন হইল, ইংরাজী-ভাষায় বৃহৎ দুই-খণ্ডে এবং তাহার প্রথম-খণ্ড-খানি শুদ্ধ উর্দু ও সংস্কৃত ভাষায় প্রচারিত হইয়াছে; দ্বিতীয়-খণ্ড উল্লিখিত ভাষা-দ্বয়ে প্রস্তুত করিয়া প্রচারের ইচ্ছা ছিল, তাঁহার মৃত্যুতে তাহাও অসম্পন্ন রহিয়া গেল!

শ্যামাচরণ বাবু লাটিন, আরবী ও সংস্কৃত-ভাষাদির একখানি “কম্প্যারেটিভ গ্রামার” প্রণয়নের উদ্যোগে প্রবৃত্ত হইতে ছিলেন, তাহাও আর হইয়া উঠিল না। তাঁহার মৃত্যুতে যে সাহিত্য-সমাজ, বঙ্গ, কাশী, মিথিলা, দাবিড় অঞ্চল এবং বিচারালয় প্রভৃতি বিশেষ কতিগ্রস্ত হইল, তাহা সকলকেই মুক্ত-কণ্ঠে স্বীকার করিতে হইবে।

পঞ্চম অধ্যায়।

ধর্ম-মত।

শ্রীমাচরণ বাবু একদিকে যেমন ঘোর-বিষয়ীর স্থায় কর্ম-ক্ষেত্রে ঘূর্ণিত হইয়া ক্রমে ক্রমে রাজ-দ্বারে উচ্চপদ লাভ করিয়াছিলেন, অন্য-দিকে তেমনি ধর্ম-শাস্ত্র চর্চা দ্বারা কাল-সহকারে একজন অসাধারণ ধর্মশাস্ত্রবিশারদ মহামাত্র পণ্ডিত-অগ্রগণ্য হইয়া উঠিয়াছিলেন। ‘সনাতন-ধর্ম-রক্ষণী সভার’ কলিকাতার ও নবদ্বীপ-প্রভৃতির সচিব্যা-শালী সুবিখ্যাত সুপণ্ডিত সভ্য-মহোদয়গণ তাঁহার প্রকৃত গুণগ্রাহী হইয়া, তাঁহাকে যে ‘বিদ্যাভূষণ’ উপাধি প্রদান করেন, তাহা বর্ধাৎই তাঁহার গুণানুরূপ হইয়াছিল।

শ্যামাচরণ বাবুর বাল্য-জীবন হইতেই ঈশ্বরের প্রতি শ্রদ্ধা-ভক্তি এবং পরকালের প্রতি অটল বিশ্বাস ছিল। ঈশ্বরকে প্রীতি করা এবং তাঁহার প্রিয়-কার্য সাধন করাই যে তাঁহার প্রকৃত উপাসনা, এবিশ্বাসটী আমৃত্যু তাঁহার হৃদয়ে দীপ্তি পাইয়াছে। পারসী ও আরবী ভাষায় ঈশ্বর-বিষয়ক বহুবিধ গ্রন্থ-পাঠে এবং সংস্কৃত-ভাষায় শ্রুতি-উপনিষদাদি অধ্যয়নে তাঁহার ধর্ম-ভাব আরো উদ্দীপ্ত হইয়া উঠে। যখন তিনি পঁচিশ টাকা বেতনে ১৮৩৭ খৃষ্টাব্দে কলিকাতা মাদ্রাসা কালেজে পুণ্ডিতের কার্য্য করিতেন, তখন হইতেই তাঁহার আদি ব্রাহ্মসমাজের সহিত যোগ হইয়াছিল। তিনি তথায় কেবল একজন উদাসীন উপাসকের স্তায় যাইতেন না, প্রত্যুত যাহাতে ব্রাহ্ম-সমাজ স্থায়ী হইয়া, ভারতের প্রভূত মঙ্গল-সাধন করিতে পারে, প্রাচীনতম বেদ-উপনিষদ্ সকল প্রকাশিত হইয়া ভারতসম্ভান সমূহের ব্রহ্মজ্ঞান উদ্দীপ্ত হয়, তৎপ্রতি তাঁহার আন্তরিক যত্ন ও চেষ্টা ছিল।

যখন তিনি নবদ্বীপে শ্রীনাথ লাহিড়ী মহাশয়ের সন্নিধানে পারসিক ভাষায় বহুবিধ ঈশ্বর-প্রেমপূর্ণ গ্রন্থাদি অধ্যয়ন করিতেন, সেই সময় হইতেই তাঁহার ধর্ম-ভাব ও ধর্ম-মত বিশুদ্ধ আকার ধারণ করিতে আরম্ভ করে। এই অবস্থাতেই তিনি পারস্য-গ্রন্থের গূঢ়-ভাব সকল অবলম্বন করিয়া বঙ্গ-ভাষায় ঈশ্বরবিষয়ক অনেকগুলি কবিতা রচনা করিয়াছিলেন। তাঁহার এমনই অসামান্য স্মরণ-শক্তি ছিল, যে তিনি তাঁহার শেষ-জীবনেও অবলীলা-ক্রমে সেই সকল কবিতা আবৃত্তি করিতেন। তাঁহার নিকটে ঘটনা ক্রমে শ্রুতি-উপনিষদ্ হইতে কোন শ্লোক পাঠ করিলে, তিনি তাঁহার অধীত পারসীক ও আরবীক গ্রন্থ হইতে তাহার সদৃশ-ভাব-পূর্ণ বাক্য প্রদর্শন করিতেন।

কর্ম-স্থলে যখন শ্যামাচরণ বাবু কলিকাতায় অবস্থান করেন এবং ছুই বৎসর কাল রামতল্লু বাবুর নিকট থাকিয়া পরে স্বতন্ত্র বাসা করিয়া মাদ্রাসা কালেজে যখন তিনি পুণ্ডিতের কার্য্য সম্পাদনে নিযুক্ত

হ'ওত পারস্য ও আরব্য-ভাষার আরো উচ্চতর শিক্ষা প্রাপ্ত হন, তাহার সঙ্গে সঙ্গে তাঁহার ধর্ম-ভাব যেমন বর্ধিত হইতে আরম্ভ হয়, কলিকাতাস্থ তৎকালের কৃতবিদ্য সাধু-সম্মান-গণের সঙ্গে তাঁহার সম্ভাব সম্বন্ধ হওয়াতে তিনি তাহার অস্বরূপ অভিনয়-ক্ষেত্রে লাভ করিয়াছিলেন।

পরম পূজ্যপাদ মহর্ষি শ্রীযুক্ত দেবেন্দ্রনাথ ঠাকুর-মহাশয়ের সহিত তাঁহার যোগ হওয়াতে, ব্রাহ্ম-ধর্মের প্রতি তাঁহার বিশেষ আস্থা ও বিশ্বাস জন্মিয়াছিল। তজ্জন্ত তিনি নিয়মিত রূপে আদিব্রাহ্ম-সমাজে উপস্থিত হইয়া, অরূপী অশরীরী পরব্রহ্মের উপাসনা করিয়া কৃতার্থ হইতেন এবং ১৭৬৭ শকের ১৩ কার্তিক দিবসে ব্রাহ্ম-ধর্ম অবলম্বন করেন। তাঁহার সেই অবলম্বিত ধর্ম-মত প্রচারের জন্ত—সাধক-মণ্ডলীর দৈন্য প্রেম উদ্দীপ্ত করণার্থ আদি ব্রাহ্মসমাজে উপাসনা-কালে কয়েক বার বক্তৃতা করিয়াছিলেন। তাঁহার বক্তৃতায় আদি সমাজের উদার অমায়িক অসাম্প্রদায়িক-ভাব রক্ষিত না হওয়াতে এবং তাঁহার উপদেশের কোন কোন অংশ হাস্যরসাদি উদ্দীপক ও নাস্তিকদিগের প্রতি অথবা কটু-কাটব্য-প্রয়োগ প্রভৃতি দোষে দূষিত হওয়ার পরমপূজ্যপাদ প্রধান-আচার্য্য মহাশয় তাহা শোধন করিয়া দিবার প্রয়াস পাইয়াছিলেন।

পরে বিদ্যা-শিক্ষা ও বিষয়কার্যের ব্যস্ততা প্রযুক্ত অনবকাশ নিবন্ধন শ্যামাচরণ বাবু আর নিয়মিত রূপে আদি-ব্রাহ্ম সমাজে উপস্থিত হইতে পারিতেন না। কিন্তু মৃত্যুকাল পর্যন্ত তিনি আদি-সমাজের মত ও বিশ্বাস পোষণ করিয়া আসিয়াছিলেন। আদি ব্রাহ্ম-সমাজের প্রতি ও প্রধান আচার্য্য মহাশয়ের উপরে তাঁহার আমৃত্যু প্রগাঢ় অহরাগ ও অবিচলিত ভক্তি বর্তমান ছিল। যখনই তাঁহার সহিত সাক্ষাৎ হইত, তখনই ব্যাকুলতার সহিত প্রধান আচার্য্য-মহাশয়ের কুশল সংবাদ জিজ্ঞাসা করিতেন এবং তাঁহার নির্জ্ঞান-বাস

প্রভৃতির বিষয় শুনিয়া বলিতেন যে “ব্রাহ্ম সমাজ হইতে ঐ একটা লোকই প্রকৃত দেবত্ব লাভ করিয়াছেন।”

যদিও তিনি নিয়মিত-রূপে সাপ্তাহিক ব্রাহ্মসমাজে আসিতে পারিতেন না, কিন্তু মহোৎসবাদি উপলক্ষে আগমন করিয়া ব্রহ্মোপাসনা করিতে প্রায়ই ক্রটি করিতেন না। একদা প্রধান আচার্য্য মহাশয় দীর্ঘকাল হিমাচলে অবস্থান করাতে ব্রাহ্মসমাজের অর্থাগম অপেক্ষাকৃত ন্যূন হইয়া পড়িয়াছিল, তিনি রমাপ্রসাদ বাবুকে প্রবৃত্তি দিয়া শ্রীযুক্ত বাবু নীলকমল মিত্র, আশুতোষ ধর ও বৈকুণ্ঠনাথ সেন প্রভৃতিকে লইয়া আদি সমাজের দ্বিতল গৃহে একটি সভা আহ্বানের প্রয়াস পাইয়াছিলেন। তাহাতে রমাপ্রসাদ বাবু যজ্ঞালয়ের উন্নতি সাধন করিবার ব্যবস্থা করিয়া দিয়া অর্থাগমের পথ প্রমুক্ত করিয়া দেন। যজ্ঞালয়ের আয়বৃদ্ধি জন্য শ্রামাচরণ বাবু স্বীয় ব্যবস্থাদর্পণ গ্রন্থ ও উক্ত যজ্ঞে মুদ্রিত করিবার জন্য অর্পণ করেন।

শ্রামাচরণ বাবু অনেকবার আমার দ্বারা আদি ব্রাহ্মসমাজের প্রচারিত গ্রন্থ সকল আগ্রহের সহিত ক্রয় করিয়াছিলেন এবং যত্ন সহকারে তৎ-বাধিনী পত্রিকা খানি গ্রহণ করিতেন। তাঁহার ‘ওঙ্কার’ ও ‘গায়ত্রী’ উপরে বিশেষ নিষ্ঠা ছিল। তিনি বলিতেন ‘এক গায়ত্রীতেই সাধকের আত্মোন্নতির প্রকৃষ্ট উপায় নিহিত আছে।’ ‘অর্থ-সহ ত্রিপাদ-গায়ত্রী উচ্চারণেই সাধকের উপাসনার গূঢ় ত্রাত্তপর্য্য সংসাধিত হইতে পারে।’ তিনি স্বয়ংও মৃত্যুকাল পর্য্যন্ত সেই ওঙ্কার ও গায়ত্রী বাক্য অবলম্বন করিয়া পরব্রহ্মের ধ্যান ধারণা করিতে করিতেই মানবলীলা সম্বরণ করিয়াছেন।

তিনি নিজে ব্রহ্ম-নিষ্ঠ হইলেও নাস্তিক ভিন্ন কখনই অন্যের মত-বিশ্বাসের দোষ ঘোষণা করিতেন না। বিদেহ ভাব তাঁহার হৃদয়ে স্থান পাইত না, বরং সরল বিশ্বাসীর, অকৃত্রিম ধর্ম্মানুষ্ঠায়ীরা তিনি যথেষ্ট অমুরাগী ছিলেন। ঈশ্বরে যেমন তাঁহার অটল নিষ্ঠা

ঠাকাত্তে তিনি ভক্তি-ভরে প্রতিদিনই দ্বিসন্ধ্যা তাঁহার ধ্যান
 ধারণা, পূজার্কনায় নিগুস্ত হইতেন, তেমনি তাঁহার প্রিয়-কার্য্য
 সাধন-উদ্দেশে নিয়মিত-রূপে দীন-দরিদ্র, অন্ধ অনাথদিগকে অন্ন-
 বস্ত্র দান, অসহায় বিদ্যার্থী বালকগণকে নিজ নিবাস-নিকেতনে
 রাখিয়া বিদ্যালয়ের বেতনাদি দিয়া ভরণ-পোষণ, উপায় বিহীনা
 হিন্দু বিধবাদিগকে মাসিক নিয়মে অর্থ-বিতরণ করিতেন। এতদ্বিল
 সাধারণের মঙ্গল উদ্দেশে নিজ-গ্রাম মামজোয়ানি হইতে হাজরাপুর
 অবধি একটি এবং মামজোয়ানি হইতে বাদকুল্যার সম্মিহিত সুপ্রসিদ্ধ
 রাজ-পথ পর্য্যন্ত অপর একটি বস্ত্র বহু অর্থব্যয়ে নির্মাণ করিয়া দিয়া
 তৎপ্রদেশস্থ লোকের বিপুল মঙ্গল সাধন করিয়া গিয়াছেন। শেযোক্ত
 রাস্তাটির জন্য ভূমিসংগ্রহে অসমর্থ হইয়া নিজব্যয়ে রাজ-বিধির
 সহায়তায় স্থান সংগ্রহ করিতে হইয়াছিল। তদ্ব্যতিরেকে প্রতি-বর্ষে
 দলুই গ্রাম ও হলুদপাড়া নামক গ্রামদ্বয়ের মধ্যবর্তী সুবিস্তৃত প্রান্তর-
 মধ্যে——সেই জল-শূন্য প্রদেশে হিন্দু-মুসলমান দুই জাতির
 জন্য দুইটা স্বতন্ত্র কূপ খনন করিয়া একটা হিন্দু, একটা মুসলমান
 ভৃত্য নিযুক্ত রাখিয়া জলছত্র প্রদান পূর্বক উভয়-জাতির তুল্য রূপে
 শুশ্রূষার ব্যবস্থা করিয়া দিতেন। সেই প্রান্তরবাহী পথিকগণ
 ও পার্শ্ববর্তী পল্লীর লোক সকল এবং কৃষক ও গোপাল প্রভৃতি তাঁহার
 প্রদত্ত জলছত্রে জলপান ও বিশ্রাম করিয়া শ্রান্তি দূর ও ক্ষুৎপিপাসা
 নিবারণ করিত। সেখানে প্রতিবর্ষে জলছত্র দিলেও তত্রতা জন-
 গণের ও পথিকবৃন্দের স্থায়ী উপকার সংসাধিত হয় না, এজন্য সেই
 প্রান্তর-মধ্যে একটা বৃহৎ পুকুরিণী খনন করিবার উদ্যোগে প্রবৃত্ত
 হইয়াছিলেন। অকস্মাৎ পরলোক-গমন করাতে তাঁহার সেই সাধু
 ইচ্ছা আর কার্য্যে পরিণত হইল না। অতএব তাঁহার এক মাত্র
 পুত্র শ্রীযুক্ত বাবু দীননাথ সরকার মহাশয়ের নিকট আমরা এই
 প্রত্যাশা করি, যে তিনি তাঁহার স্বর্গগত পিতার বাঞ্ছিত মহাপুণ্য-

জনক কার্যটি সম্পাদন করিয়া তাহার “শ্যাম-সরোবর” নাম প্রদান পূর্বক সাধারণ জনগণের মধ্যে তাঁহার নাম চিরস্মরণীয় করিয়া রাখেন।

শ্যামাচরণ বাবু বিষয়-কার্যে, গ্রন্থ প্রণয়নে যৎপরোনাস্তি বিব্রত ও অবকাশ-শূন্য থাকিলেও একদিনের জন্য নিয়মিত উপাসনা হইতে বিরত হইতেন না। তিনি সর্বদাই ব্রহ্ম-যোজিত-চিন্তা ছিলেন। কঠোর কর্ম-শ্রমের মধ্যেও তাঁহাকে শ্রদ্ধা ও প্রীতি পূর্বক মধুর ওঁঙ্কার-শব্দ সময়ে সময়ে বিনা আড়ম্বরে উচ্চারণ করিতে দেখা গিয়াছে। প্রতিদিন প্রাতঃ সন্ধ্যা উভয়-কালেই তো অচলা-ভক্তি, অল্পপম কৃতজ্ঞতার সহিত পরমেশ্বরের উপাসনা করিতেনই, তদ্ব্যতিরেকে স্নান-আহারান্তে উপাসনা করাও তাঁহার একটি নিয়ম ছিল। তদুপরি এই জীবন-চরিত-লেখক তাঁহাকে একদিন বলিয়াছিলেন, যে ‘মহাশয়! প্রাতঃকাল ও সায়াংকালই তো উপাসনার প্রশস্ত সময়,’ তাহাতে তিনি উত্তর করিয়াছিলেন যে ‘তত্ত্ব সময়ে তো উপাসনা করিয়াই থাকি; আমি বাল্য-জীবনে বড় অন্ন-কষ্ট পাই-রাছি, সেই জন্য অন্ন-পানে পরিভূপ্ত হইলে, ঈশ্বরের প্রতি আপনা হইতেই আমার অধিকতর শ্রদ্ধা ভক্তি, প্রীতি কৃতজ্ঞতা উৎপন্ন হয়, সেই কারণেই ভোজনান্তে তাঁহার উপাসনায় প্রবৃত্ত হই।’

ষষ্ঠ অধ্যায়।

শেষ-জীবন।

শ্যামাচরণ বাবু গত ২৮ ভাদ্র মঙ্গলবার অমাবস্যা দিবসে আহারাদি সমাপনান্তে যথারীতি গ্রন্থ-প্রণয়নাদিতে নিযুক্ত হইয়াছিলেন; অপরাহ্ন ৩।৪ টা পর্যন্ত পরিশ্রম করিয়া একটু অস্থিতা অনুভূত হইলে

অন্তঃপুরে ঘাইয়া বিশ্রাম কবিলেন। বিনা-চিকিৎসায় যে এই অভ্যস্ত জ্বর হইতে তিনি মুক্ত হইবেন, অন্তিম সময় পর্য্যন্ত তাঁহার এরূপ বিশ্বাস ছিল। তথাচ তাঁহার পুত্র ও খুল্লতাত-পুত্র সেই মঙ্গলবার সন্ধ্যার পরেই তালতলাস্থ ত্রিযুক্ত বাবু পূর্ণচন্দ্র চক্রবর্তী নামক সুপ্রসিদ্ধ চিকিৎসক মহাশয়কে আনয়ন করেন। রোগটি যে মারাত্মক বা সাংঘাতিক হইয়াছে, চিকিৎসক মহাশয়ের নিকটেও তখন তাহা সহসা প্রতীয়মান হয় নাই। তিনি সামান্য দুইটি মৃৎ-বিরেচক বটিকা-সেবনের ব্যবস্থা করিয়া দিয়া গমন করেন। শ্রামাচরণ বাবু সে দিন তাহা সেবন করেন নাই। বুধবার প্রাতে প্রপঞ্চিত ডাক্তার মহাশয় আসিয়া ঐ বটিকার সহিত, আর একটি ঔষধ সেবন করিবার ব্যবস্থা করিয়া দিলে, তৎসেবনে কথঞ্চিৎ রোগের উপশম হয়। বৃহস্পতিবার চিকিৎসক মহাশয়ের উপদেশ ক্রমে কুইনাইন প্রদত্ত হইবার কিয়ৎকাল পরে অর্থাৎ মধ্যাহ্নে জ্বর বৃদ্ধি হইল এবং ক্রমে ক্রমে আবল্য ও ভ্রম-প্রমাদ উপস্থিত হইতে লাগিল। সায়ংকালে ৩।৪ জন চিকিৎসকের পরামর্শে সুবিখ্যাত চিকিৎসক এইচ, কেলী সাহেবকে আনয়ন করা হইল। তিনি বিশেষ পরীক্ষা করিয়া রোগাভ্যুপদ্য ঔষধ ব্যবস্থা করত শ্রামাচরণ বাবুর পুত্র-প্রভৃতিকে বলিয়া গেলেন যে, 'রোগটি সাংঘাতিক হইয়াছে।' তৎপরে ক্রমে রোগবৃদ্ধি হওয়াতে ডাক্তার কোট্‌স-সাহেব প্রায় রাত্রি ১টা হইতে ২।০টা পর্য্যন্ত উপস্থিত থাকিয়া চিকিৎসা করেন; কিন্তু কিছুতেই রোগের প্রতীকার হইল না। যে বৃহস্পতিবার রাত্রি-শেষে তিনি পরলোক গমন করেন, সেই কাল-রাত্রির প্রথম ও মধ্য-পাদে শয্যাশায়ী হইয়াও শ্রামাচরণ বাবুর স্বাভাবিক সরলতা ও অমায়িকতা প্রভৃতি সদগুণ সকল তিরোহিত হয় নাই। তিনি তত্তৎ কালেও ডাক্তারদিগের করস্পর্শ করিয়া অভ্যর্থনা ও তাঁহাদিগের সহিত প্রয়োজন মত সদালাপ করিয়াছিলেন।

চিকিৎসকগণ বিদায় গ্রহণ করিলে পর, তিনি গৃহের দ্বার সকল অবরুদ্ধ এবং দীপটী নির্বাণ করিতে পুনঃ পুনঃ আদেশ করেন। দ্বার অবরুদ্ধ হইল; দীপটী নির্বাণিত হইল না। তিনি পর্য্যবেক্ষণ করিয়া ক্রমাগতই “হরিঃ ওঁ” এবং উচ্চৈঃস্বরে গায়ত্রী পাঠ করিতে লাগিলেন। তাঁহার পত্নী সেই শয্যাতেই শয়ন করিয়াছিলেন এবং তাঁহার খুল্লতাত পুত্র জীযুক্ত বাবু হরিমোহন সরকার মহাশয় শয্যার অদূরে উপবিষ্ট থাকিয়া ঔষধাদি সেবন করাইতে ছিলেন। কিছুতেই রোগের উপশম না হইয়া, ক্রমে জ্ঞানের বৈলক্ষণ্য হইতে লাগিল। তাহার মধ্যেও যখনই নির্বাণোন্মুখ দীপ-শিখার ন্যায় এক একবার জ্ঞান সঞ্চার হইয়াছিল, তখনই ক্রমাগত ওঁঙ্কার শব্দ উচ্চারণ ও গায়ত্রী পাঠ করিয়াছিলেন। স্বর-বিকার উপস্থিত হইলেও সেই বিকৃত-স্বরে অপরিষ্কৃত ভাবে সেই সৃষ্টি-স্থিতি-প্রলয়-কর্ত্তা ওঁঙ্কার-প্রতিপাদ্য পরব্রহ্মের পবিত্র নাম উচ্চারণ করিতে করিতে রাত্রি প্রায় পাঁচটার সময় মানবলীলা সম্বরণ করেন। অঙ্গ-বিকার বা আর্তনাদ প্রভৃতি কোন বিশেষ উপদ্রব কিছুই উপস্থিত হয় নাই। ক্রমে মহানিদ্রা আবির্ভূত হইয়া যেন তাঁহার দৈহিক ও যান্ত্রিক ক্রিয়া সকল স্থগিত করিয়া দিল! তাঁহার পরলোক-গমনোন্মুখ পবিত্র আত্মা পার্শ্বশায়িনী পত্নী ও হরিমোহন বাবুর অজ্ঞাত-সারে নিঃশব্দে দিব্যালোকে যাত্রা করিল!

তিনি অমৃত হইয়া অবধি এক মুহূর্তের জন্তও বিষয়াদির বা জী-পুত্রের নিমিত্ত কোন কথাই কহেন নাই। ঔষধ পথ্যবিষয়ক সামান্ত কথা-বার্তা ভিন্ন নিরবচ্ছিন্ন ‘ওঁঙ্কার’ শব্দ উচ্চারণ ও গায়ত্রী পাঠ করিয়াছিলেন। যিনি উৎকট পরিশ্রম ও গভীর চিন্তার মধ্যেও সর্বদাই ওঁঙ্কার শব্দ উচ্চারণ করিতেন, তিনি যে কৰ্ম্ম-শ্রম হইতে অবসর পাইয়া—অস্তিম-শয্যায় শয়ন করিয়া সেই প্রাণারাম পরব্রহ্মকে বিস্মৃত হইবেন, ইহা কোন-রূপেই সম্ভবপর নহে। মৃত্যু যে তাঁহার

শিয়োদেশে উপবিষ্ট রহিয়াছে, এক দিনের জন্তও তিনি তাহা প্রতীতি করিতে পারেন নাই। যিনি সমস্ত-জীবন অমৃতের সঙ্গে যোগ রক্ষা করিয়া আসিয়াছেন, সেই পুণ্য-বলেই যে তিনি অবলীলাক্রমে অমৃত-ধামে যাত্রা করিবেন, তাহার আর বিচিত্র কি ?

শ্যামাচরণ বাবু বাল্য-জীবনের শোচনীয় দুঃস্বপ্নের মধ্য দিয়া মেঘ-মুক্ত শশধরের ন্যায় ক্রমে বল-বীৰ্য্য, জ্ঞান-ধর্ম, সুখ-ঐশ্বর্য্যে উদ্ভিত হওত সন ১২৮৯ সালের ৩০ ভাদ্র বৃহস্পতিবার রাত্রি প্রায় ৫টার সময় তাঁহার দ্বিতীয় পক্ষের পত্নী ও তাঁহার গর্ভজাত একমাত্র পুত্র শ্রীযুক্ত বাবু দীননাথ সবকারকে রাখিয়া (ভাদ্র, শুক্ল তৃতীয়া তিথিতে) ৬৭ শাভষটি বৎসর ৫ পাঁচ মাস ২২ বাইশ দিন বয়সে পরলোক যাত্রা করিয়াছেন। শ্যামাচরণ বাবু কৃষ্ণবর্ণ, মধ্যাকৃতি, বলীয়ান, তেজীয়া পুরুষ ছিলেন। তাঁহার প্রসারিত বক্ষ, সূদৃঢ় বাহু, মাংসল উরুযুগল দেখিবা মাত্রই তাঁহাকে বীৰ্য্যবান বলিয়া বোধ হইত। তাঁহার বিস্তৃত ললাট, মুগ্ধ-জ্ঞ, আকর্ষণ-বিস্তৃত বিস্তারিত ভাসমান-নেত্র, বৃহৎ মস্তকই, তাঁহাতে অসামান্য বিদ্যা-বুদ্ধিরই বিদ্যমানতা প্রদর্শন করিত।

তিনি বাল্য-জীবন হইতে যেমন মানসিক ও আধ্যাত্মিক উন্নতি-সাধনে দৃঢ়ত্ব ছিলেন, তেমনি শারীরিক বলাধান জন্তও বিশেষ যত্নশীল থাকিতেন। ব্যায়াম, তাঁহার নিত্য-কর্মের মধ্যে একটা প্রধান-কর্ম ছিল। তিনি ব্যায়াম প্রভাবেই দ্রুতি-বলিষ্ঠ শরীরে নানা প্রকার হ্রলম্ব্য বাধাবিঘ্ন অতিক্রম ও কঠোরতর মানসিক পরিশ্রম করিয়া স্বদেশ ও স্বজাতির বিপুল মঙ্গল-সাধন করিয়া গিয়াছেন। তিনি এমনই বলশালী ও অসম সাহসিক ছিলেন, যে তালতলার নবাব-বাগানে যখন দুইটা ইষ্টক-নির্মিত অট্টালিকা নির্মাণ করেন, তখন 'নবাব-বাগিচায়' একজন হিন্দু, অট্টালিকা নির্মাণ করিয়া বাস করিতে চলিল দেখিয়া, তদ্রূপ মুসলমানগণ বিধেব-পরবশ হইয়া

অত্যাচার করিতে আরম্ভ করিল। তাঁহাকে শাস্ত-প্রকৃতি দেখিয়া, তাহার ক্রমে অধিকতর উত্তেজিত হওত একদিন সামান্ত-স্বত্রে তাঁহার প্রতি উপদ্রব করিবার জন্য বাটীর সম্মুখে উপস্থিত হয়। তদৃষ্টে শ্যামাচরণ বাবু, তাহার প্রতিবিধান করিবার নিমিত্ত, তখনই একাকী একগাছি বৃহৎ যষ্টি ধারণ পূর্বক তাহারদিগকে সবলে আক্রমণ করেন। তাহার প্রহারিত ও তাড়িত হইয়া সভয়ে প্রস্থান করে। তিনি অক্ষত-শরীরে জয়-যুক্ত হইয়া প্রত্যাগমন করিলে, তদবধি তাহার পুনর্ব্বার অত্যাচার করিতে এক কালে নিবৃত্ত হয়।

তাঁহার বল-বীৰ্য্য, সাহস-উদ্যম, আচার-ব্যবহার, দয়া-দাক্ষিণ্য, বুদ্ধি-বিবেচনা ও জ্ঞান-ধর্ম্ম সকলই শিক্ষণীয়। তাঁহার মিতাহার ও মিতব্যবহার একান্ত অনুকরণীয়। নিতান্ত দুর্ব্বাস্থ্য পতিত হইয়া— পর-গৃহে, পরানে পালিত হইয়া যেরূপে বিদ্যা-শিক্ষা ও ক্ষুদ্রতম বিষয়-কার্য্য হইতে, তৎকালের উচ্চতম পদ লাভ করিয়াছিলেন, তাহাতে সামান্ততাই মনুষ্য ক্ষীণ হইয়া উঠে। তাঁহার অবস্থাপন্ন লোককে হয়ত নিতান্ত দাতা, না হয়, একান্ত রূপণ হইতেই প্রায় দৃষ্ট হইয়া থাকে। কিন্তু তিনি জায়-উপার্জিত ধন দ্বারা বহুবিধ দান ধর্ম্মের অনুষ্ঠান করিয়াও মিতব্যয়িতা-গুণে কলিকাতা তালতলা নামক স্থানে দুইখানি স্নশোভন অট্টালিকা নির্মাণ, এবং তাঁহার পৈতৃক বাস-ভূমি নদীয়া-জেলার অন্তর্গত মামজোয়ানি গ্রামের পত্তনি ও দর-পত্তনি সম্বাদিকার গ্রহণ-পূর্ব্বক তথায় একখানি বৃহৎ বাস-ভবন প্রস্তুত করিয়া গিয়াছেন এবং কতকগুলি সঞ্চিত অর্থ রাখিয়া এবং আপনার বিদ্যা-বুদ্ধি-যোগ্যতা বলে, আসিয়াটিক সোসাইটীর মেম্বর, কলিকাতা বিশ্ব-বিদ্যালয়ের ও সামাজিক বিজ্ঞান-সভার সভ্য, কয়েক-খানি অমূল্য অসদৃশ গ্রন্থের প্রণেতা প্রভৃতি হইয়া, সমস্ত দিনপাত করত পরলোক যাত্রা করিয়াছেন।

পিতৃহীন, সহায়-সম্পত্তি বিহীন, দীন-হুঃখী, অতিভাবক-শূন্য বালক, যে কেমন করিয়া আত্ম-চেষ্ঠায় জ্ঞান-গিরির উচ্চতর প্রদেশে উন্নীত হইতে পারে, সামান্ত পল্লিগ্রামস্থ শিশু, জ্ঞান-ধর্ম-প্রভাবে কিরূপে যে কলিকাতা সদৃশ রাজধানীর বিদ্বজ্জনসমাজের মধ্যে একজন অগ্রগণ্য পণ্ডিত রূপে প্রতিষ্ঠা-লাভ করিতে সমর্থ হয়, শ্যামাচরণ-বাবুর জীবন-চরিত অধ্যয়ন করিলে, আমরা তাহার প্রচুর শিক্ষা প্রাপ্ত হইতে পারি। সামান্ত দশ-টাকার মুন্সী হইতে মৌলবী, মৌলবী হইতে পণ্ডিত, পণ্ডিত হইতে সংস্কৃত-কালেজের অধ্যাপক ইংরাজী-শিক্ষক, শিক্ষক হইতে পেশকার, পেশকার হইতে অহুবাদক (ট্রান্সলিটার), অহুবাদক হইতে ভারতের সর্ব-প্রধান বিচারালয়ে ছয়শত টাকামাসিক বেতন-ভোগী সর্বোচ্চ বিভাগী (চিফ ইন্টারপ্রিটার) কিরূপে হওয়া যায়, শ্যামাচরণ বাবুর জীবন-পুস্তক পাঠ করিলেই তাহার জীবন্ত নিদর্শন প্রত্যক্ষীভূত হইতে পারে। সামান্ত গ্রাম্য গুরু-মহাশয়ের ছাত্র, কেমন করিয়া বিষয়-কার্য্য করিতে করিতে পারসী, আবদী, উর্দু, হিন্দী, বাঙ্গালা, সংস্কৃত, ইংরাজী, গ্রিক, লাতীন, ফরাসি এবং ইটালিক ভাষা শিক্ষা করিতে সমর্থ হয়, তাহা অবগত হইতে গেলে, শ্যামাচরণ বাবুর জীবন-চরিত পাঠেই সুস্পষ্ট-রূপে বুঝা যায়।

দীন-হীন বঙ্গ-বাসীর মধ্যে যদি কেহ একাধারে প্রধানতম মৌলবী, মুক্তি, কাজী প্রভৃতির অসদৃশ গুণ, বিষয়ীর বিষয়-বুদ্ধির শ্রেষ্ঠতা, কৃষ্টিষ্ঠের অসামান্য কার্য্য-নিপুণতা, দেশীয় বিদেশীয় বহুবিধ ভাষায় অভিজ্ঞতা, হিন্দু মুসলমান জাতির প্রাচীন ও নব্য স্মৃতিশাস্ত্র সকলে অল্পমাত্র দক্ষতা, এতদেশীয় রাজ-বিধি সমূহে দমধিক পারদর্শিতা এবং নিকাম দান-ধর্ম-অহুষ্ঠানে সবিশেষ পটুতা দেখিতে ইচ্ছা করেন, তিনি একবার শ্যামাচরণ বাবুর প্রতি দৃষ্টিপাত করুন। তিনি যেমন স্বীয় স্বল্প চেষ্ঠার বলে—আপনার শিক্ষা-প্রভাবে কর্ম্ম-ক্ষেত্রে উচ্চপদ লাভ করিয়াছিলেন, তেমনি বিদ্যা ও বহুজ্ঞতার দ্বারা পণ্ডিত-

সমাজে শ্রেষ্ঠ-আসন প্রাপ্ত হইয়া ছিলেন। গুণগ্রাহী পরম পূজ্যপাদ মহর্ষি শ্রীযুক্ত দেবেন্দ্রনাথ ঠাকুর মহাশয় তাঁহার পরলোকগত পত্নীর শ্রাদ্ধ কালে তাঁহার তদনুরূপ মর্যাদাও রক্ষা করিয়াছিলেন।

তাঁহার কৰ্ম্মভ্যাগে, ভারতের উচ্চতম বিচারালয় যেমন অদ্যাপিও একটি রক্ত-শূন্য হইয়া রহিয়াছে, তেমনি তাঁহার মৃত্যুতে বঙ্গ-ভূমির পণ্ডিত-সমাজ একটি উজ্জল মানিক্য-হারা হইয়া পড়িল! তাঁহাকে হারাইয়া যেমন বন্ধে রোদন-বিলাপ হাহাকার উথিত হইয়াছে, তাঁহাকে পাইয়া তেমনি দেব-লোকে আনন্দ-কোলাহল উথিত হউক, এই আমারদের কামনা!!

সমাপ্ত।

পরিশিষ্ট ।

প্রতিষ্ঠা-পত্র সকলের প্রতিলিপি

TESTIMONIALS.

June 25, 1870.

I have known Babu Shama Churn Sirkar Chief Interpreter of the High Court since I was appointed a Judge of that Court in 1862.

He has always borne a very high character, and his conduct as an officer of the Court has been irreproachable.

He has discharged his duties as interpreter and translator carefully and conscientiously and I believe to the entire satisfaction of all Suitors.

He is not only a good linguist having some knowledge of French and Latin, as well as of Sanscrit, but has turned his attention to other subjects.

Besides a Bengally Grammar and collection of rules on the Mahomedan Law of Inheritance he has published the *Vyavastha Darpana* a Digest of the Hindu Law as current in Bengal.

This is an exceedingly useful work. It is constantly referred to by Judges and frequently cited in Courts. It has been adopted as a text book for the examination of

pleaders of the higher grade. Opinions of text-writers and decisions of the Courts, the correctness of which the Babu has seen reason to doubt, he has criticised, and in several instances, to which I could point, the Babu's views have been adopted by the High Court, and recognized as law.

I should be glad to see the Babu's merits rewarded by promotion to a higher post than that which he now fills.

JOHN P. NORMAN.
(Late officiating Chief Justice.)

BABOO SHAMA CHURN SIRKAR.

&c. &c.

MY DEAR SIR,

You tell me you are a candidate for the Dewanship of the Nizamut. Although I am not much given to writing testimonials, I have great pleasure in making an exception in your case, as that of an old and respected officer of the High Court, and in saying that I have always entertained a high opinion of your attainments, and sincere esteem for your excellent and worthy character. It will be very agreeable to me to hear that you have been successful.

Town Hall,
24th June, 1870.

Believe me
Yours faithfully
J. GRAHAM.

Bar Library, 21st June, 1870.

MY DEAR BABOO SHAMA CHURN,

Since my arrival in India I have had many opportunities of seeing you in the performance of your duties as Chief Interpreter of this Court and have always been struck with the intelligence and anxiety to perform your difficult duties which you displayed.

• If you leave the High Court it will be difficult to find a fitting successor to you, but notwithstanding that if you can obtain any appointment more agreeable to yourself I should be glad indeed to hear of it and I am sure that you would bring to the performance of its duties the same zeal, intelligence and fidelity that you have always displayed here.

Very truly yours
J. PITT KENNEDY.

BABOO SHAMA CHURN SIRCAR,

High Court, Calcutta, September 5th, 1853.

MY DEAR SIR,

Having had the advantage of your valuable services during the period I have held the office of Judge of the late Supreme Court and since the establishment of the High Court, I can bear the strongest testimony to your talents and ability which combined with your perseverance

and strict integrity have secured for you the honorable position you occupy in the High Court.

I remain

Yours faithfully

MORDAUNT WELLS.

Baboo Shama Churn Sircar has been a Translator in the English Department of this Court for a period of nearly eight years, previous to which he had served as a Peshkar in the Court.

In the discharge of his duties, he has uniformly maintained the character of a very efficient, attentive and praise-worthy officer, while his behaviour and deportment have always given satisfaction to his superiors.

Sudder Dewanny Adawlut.
The 13th June, 1857.

By order of the Court,
A. W. RUSSELL.
Registrar.

I have known Babu Shama Churn sircar since 1848 when he was appointed by Mr. Tucker to be his Peshkar in which office he continued till 1850 when he became chief translator of the Sudder Court which office he still retains. He is a very good English scholar and knows thoroughly many Oriental languages—Bengalee, of which language he has written an excellent grammar,—Urdeo,

Nagree, Persian and Sanskrit. He is also a man of, to the best of my knowledge, the highest character.

June 3, 57.

B. J. COLVIN.

I hereby certify that I have known Babu Shama Churn Sircar since 1842. I have had ample means of judging of his knowledge of English and Bengally which I think fully fit him for the post of translator to the Sudder Court. He is a good Sanskrit and Arabic scholar, I believe, but I am unable to judge of that. His conduct in every way as long as I have known him has been uniformly such that I consider it a pleasure to have him to call upon and see me. I do not certify further, because I only certify what is actually within my own personal knowledge.

June, 2, 1857.

H. V. BAYLEY.

We have not seen any person so learned in the Hindu law in *Sanskrita* as *Srī Shyāmā Charanā Sarma* who bears the title of *Sarakar* ; for, whenever we, who profess to teach the *Dharma Shastra*, had a conversation or discussion with him on that subject, we were in a manner astonished at observing his efficiency and proficiency in the same. *

Srī Braja Nātha Vidyāratna
(Head Pundit) of Nuddea.

* This and the one next after it are translations of the certificates written in *Sanskrita*.

I have known SŖĪ Shyāmā Charana Sarakār for a long time. Having studied the *Sanskrita*-books of the *Vyavahara-kanda* of our *Dharma Shastra* as current in the different schools or provinces, he has acquired a full knowledge of, and efficiency in, our *Shastra*. He is so well up in the *Vyavasthas* and texts of this *Shastra* that in my opinion there are very few *panditas* who have so well learned and committed them to memory. And I can positively affirm before the public that the knowledge and proficiency which he has acquired by studying our *Dharma Shastra* and committing it to memory can by no means be acquired by the study of the few translations made into English. The above is displayed in his *Vyavastha Darpana* which never has had its equal. Of late, he has been writing in the *Sanskrita* and other languages an admirable Digest of the Hindu law as current in the Mithila, Benares, Mahratta and *Dravira* Schools, entitled the '*Vyavastha Chandrika*' which is now in press. This also will display his learning and efficiency.

¶ Add to this, I have, with his assistance, printed the Chapter on Inheritance of the original work entitled the '*Smṛti-Chandrika*' which is current in the *Dravira* School (Madras Presidency ;) and at the end of this work I have stated his other qualifications which may be learned by perusal of the same. To write more is superfluous.

SŖĪ Bharata Chandra Sarma (Shiromani,
Professor of law in the Govt. Sanskrita College.)

*Opinions on the Vyavastha-Darpana by Sir James Colville,
late Chief Justice of H. M. Supreme Court,—Rajah
Radha Kant Bahadur,—and Baboo
Prosunno Comar Tagore.*

BABOO SHAMA CHURN SIRCAR.

MY DEAR SIR.

I am extremely sorry that pressure of business has prevented me from examining your book as attentively as I wished and still hope to do. The passages at which I have looked seem to me to afford very satisfactory proof of your industry, research, and learning ; and I hope that you will soon find time to complete a work which will, I think, do you credit, and be useful to all who in this country are concerned in the administration of justice or the exposition of Hindoo law,

18th March, 1859.

Yours very faithfully,
JAMES WM. COLVILLE.
